

Handwritten red mark or signature at the top right.

ჩ ვ ე ნ ი  
თ ა თ ბ ა

ს ა ხ ე ლ მ წ ი ზ რ გ ა მ რ მ ც ე მ ლ ბ ა

8

პროლეტარებო ყველა ქვეყნისა, შეერთდით!

# ჩ ვ ე ნ ი თ ა ო ბ ა

12 772

საქართველოს საბჭოთა მწერლების  
კავშირის ურველთვიური ორგანო



თ ბ ი მ ი ს ი  
1 9 3 8

№ 8  
აგვისტო

## ზინაარსი

88

### მხატვრული ლიტერატურა

ალიო ადამია — ლავრენტი ბერია ახალ იმერეთის ახალგაზრდებთან . . . . .	3
გიორგი ძიგვაშვილი — სამი ლექსი . . . . .	6
მარია მიქელაძე — ჩემი სამშობლო . . . . .	8
ალექო შენგელია — ყავალი . . . . .	10
მირზა გელოვანი — საუბარი იორთან . . . . .	11
ვარლამ ჟურული — ნარინჯების მხარეში . . . . .	13
ვლ. ავალიანი — გელყარა (ისტორიული ნოველა) . . . . .	14
მიხეილ კოლცოვი — ესპანური დღიური . . . . .	21

### კლასიკური მემკვიდრეობა

ვლ. მაიაკოვსკი — არაჩვეულებრივი ამბავი, რომელიც შეემთხვა ვლადიმერ მაიაკოვსკის ზაფხულში, აგარაკზე . . . . .	40
ტარას შევჩენკო — ზამზახი . . . . .	44

### ლიტერატურის ისტორია

იაკობ ბალახაშვილი — მაიაკოვსკი თბილისში . . . . .	47
ვიქტორ გოლცევი — დავით გურამიშვილის ბედი . . . . .	55

### ბიბლიოგრაფია

გ. მებუჯე — გრიგოლ აბაშიძე „შავი ქალაქის გაზაფხული“ . . . . .	60
---	----

# მ ნ ა თ კ რ უ ლ ი

ალიო ალაშია

## ღაურენტი ბერიკ ახალი იმერეთის ახალგაზრდობთან

ამოჰყვა დილის ცისკრიან ლაჟვარდს,  
ლაჟვარდის სჭივით შემობურვილი,  
მოვიდა ხალხის გულივით სადა,  
დინჯი და ბრძენი ხალხის გულივით...  
შემოეხარენ ველნი ცვრიანნი,  
ჯეჯილიანი, ვრცელიც, უხნავიც,  
გერხვები შეხვდნენ დიდის შრიალით,  
ტოტებ-დარხევით შეხვდა მუხნარი!  
გადმოუარა სერებს და მერე  
უმზერდა იგი ახალ იმერეთს:  
იგი ლამაზი და შნოიანი  
ახალ სახლებით და ეზოებით,  
და მოცახცახე ველზე ჩრდილებით  
ალვისხეების კენწეროების —  
დიდის ხალისით უწვდიდა ხელებს  
და უხაროდა ჩამოსვლა მისი,  
ვინც სილაღე და სიკეთილდღევე  
შეუქმნა მყარი და მარადისი....  
შემოხაროდნენ ვაზის ლერწები,  
ყველა რძიანი და განახარი,  
და ცვარდაყრილი ვარდის ფურცლები,  
ვით სილამაზე მარად უცვლელი, —  
შარიშურობდნენ ვაჟკაცის სახელს  
და შეცრეცილი ნისლი ებურათ,  
ახამხამებდნენ თვალს და წამწამებს  
ცოცხალი კაცის თვალისებურად...

\* \* \*

შემოიორთქლეს ცვარი ყანებმა,  
დიდი ქალების გადგა შრიალი,  
შენ მხიარულმა და ღიმნარემა  
გლენის ოჯახში შემოიარე.  
გასინჯე, ნახე, მიუალერსე,  
ხელით შეეხე ბავშვებს, ყვავილებს,  
ცხოში დარგულ ხეხილს და ნაშენს,  
ლობესთან სარი წამოაყენე, —  
შემოგხვეოდნენ ირგვლივ ბავშვები  
და შენც ღიმილით გაეთამაშე....

\* \* \*

შეგ შედგა მალლა და ეზოკარში  
გაეგო ალვის ხეთა ჩრდილები  
და ბანთან ჯგუფად შექუჩულ ხალხში  
ჩონგურს უკრავდნენ ქალიშვილები:  
მხარს მისცეს მხარი ახლოს და ახლო,  
ჩასჭიდეს ხელი საერთო იღბალს,  
ყველა სახლები და სამოსახლო  
დაშნოიანდა და აყვავილდა....  
შენ გიმაღლიან — შენი მარჯვენის  
ძალამ დასტამბა სიმღერა გულთა,  
სიმღერა შრომის და გამარჯვების,  
სიმღერა შრომით გამარჯვებულთა....

\* \* \*

უკრავდნენ ჩონგურს და სიმთა წკრიალს  
აჰყვა ფრინველთა ნაზი გალობა  
და როგორც დიდი შთამომავლობა  
ბავშვები ღხენით შემოხაროდნენ,  
ვიცნეს თავისი და უხაროდათ....

\*  
\* \*

შემადლდა ჩვენი ცხოვრების თაღი,  
დიდი გმირობა სწორედ ეგ არი, —  
როგორც სვანური „ლილეო“ მძლავრი,  
შეიჭრა ხალხში ხმა საქებარი.  
მას ჩემი ლექსის სტრიქონი ახლდეს,  
ველარ მოჰღალღოს ხანგრძლივ ტარებამ,  
გასცდეს ველებს და ხეობებს გასცდეს  
და ზღვის ტალღებზე გაწვეს ტალღებად, —  
დაბრუნდეს შინ და ბევრით ნახული.  
შრომის, გმირობის დარჩეს ხალისად,  
და მოიწონონ, ვით ჭირნახული,  
წელს, წელს, შემდეგ და იმერგაისად!

\*  
\* \*

უკრავდნენ ჩონგურს, ჩამოწვა ბინდი,  
დალოცეს კაცი თვით მზის სადარი,  
ხუროთმოძღვარი, მჭედელი დიდი,  
კარგის ცხოვრების დიდი მხატვარი.  
და როცა გაჰქრა ბინდი თანდათან  
და ბინდისფერიც გაჰქრა წამები, —  
ლამე ჩამოდგა ისე ქათქათა,  
როგორც აკაკის ლექსის ბწკარები!  
რიონის ყველა ტალღა დაღეწეს  
და შეანელეს მისი ჩქერანი  
და იმერეთის ლამეს არწევენ.  
დიდი ქალაქის მაჯისცემანი...  
შენ გიმაღლიან, შენი მარჯვენის  
ძალამ დასტამბა სიმღერა გულთა,  
სიმღერა შრომის და გამარჯვების,  
სიმღერა შრომით გამარჯვებულთა!

\*  
\* \*

მე მთელი ლამე ეს ლექსი ვწერე,  
თრთოლვით თანდათან დადნა სანთელი,  
მზემ შეაფრქვია სხივები სერებს  
და დღე მოვიდა შენებრ ნათელი....

## სამი დეესი

### 1. ვაჟას აჩრდილი

მე ვაჟას შაირს როგორ ვკადრებ — მამაა ჩემი,  
ბუნების კარი გამომიღო ოცნებამ მისმა;  
მთის შვილი იყო და ბარს უთხრა მთიელის კდემით  
ყვავილთა კვნესა, ჩიტის სიბრძნე, გველის თილისმა...

ბევრს ახსოვს თურმე გადმომღგარი კავკასის თავზე,  
ჩახედავს ხეებს, ელვასავით ჩაჰკრავს, ჩაელავს...  
იგრძნობენ მთებიც — ჩაუქრობელ სინათლით სავსე —  
და მქუხარ ხმებით შეჰმღერებენ უკვდავ ფშაველას.

და მერე, როცა განთიადი ღრუბელს მეწამულს,  
აღმასის კლდეზე შემორჩენილს გაადნობს ღრუბელს,  
დაჰყვება არავს, გადაუვლის ცოდვილ წიწამურს,  
ნიშს, სადაც ერთხელ მას უფროსი ძმა დაუღუპავს;  
და მზესთან ერთად ჩახევევა მთაწმინდის უბეს!

### 2. ზედაზნის ყვავილები

აქ ზამთარიც ვერ ამოვა, ალბათ,  
ზედაზნო, თეთრ სუდარის მფენი,  
არც გრიგალი დაუბერავს მძაფრად,  
არც იტირებს უდედმამო შველი,  
მზის მოყვარულს არც სიბნელე გზაფრავს —  
ტკბილ შაირებს ჩაგმღერიან ტყენი...  
ბრალი არი, რუსთაველის საფლავს  
არ ამკობდეს ყვავილები შენი!



## 8. ხევსურები არაგვის პირთან

ტკბილ სიმღერებს ბადესავით ართავს,  
მოიმარჯვებს შაირებს და ფანდურს...  
დადგებიან გურამიანთ-კართან,  
მოსინჯავენ გუდებსა და ბანდულს,  
მზეს შესთხოვენ — გზებს ველითო რამდენს...  
ველს გასდევენ, ტკბილ სიზმრებში გართულს—  
და ნიავე ამოიტანს მთამდე  
ხევსურების ულამაზეს ქართულს!

---



# ჩემი სამშობლო

მისი ძალღონე მტრებმა იციან  
და სიდიადე მისი მთებური.  
ჩემი სამშობლო ლურჯი სივრცეა,  
მილიონების მზით ანთებული.

ჩვენ მას გავხედავთ და გვიხარია,  
ეს სიხარული მზისებრ გვედება.  
ჩემი სამშობლო — ეს ის მხარეა,  
რომ ზრდის აზრსა და შემოქმედებას...

სადაც მაღალი აზრი გაგანებს,  
იქ სიტყვაცა და საქმეც ნაღია,  
იქ თვითეული მცირე საგანიც  
კაცს მოუწოდებს — გმირი გახდით.

ამას მოგვცახის მთა და ტაიგა,  
მშობლიურ ზეცის ლურჯი მოარი,  
და მშობლის დახილს ვინც ვერ გაიგებს,  
დაბადებიდან იგი ყრუ არი.

იგი ყრუ არი ან და მტერია,  
მტერს კი დავხვდებით მაღალ გმირობით, —  
ასე ამბობენ, ასე მღერიან  
ჩვენი ზეცანი უნაპირონი.

ჩვენ კარგად ვუსმენთ მშობლიურ ზეცას —  
და ჩვენი მიწა მთიან-ხრამიან,  
საბჭოთა წყალიც, საბჭოთა ზეცა  
წინ გადუღდება ზრახვებს ღამიანს..

რათა მამულში მარად იდაროს,  
ემკიდეთ სიხარულს ოქროს ყანებად,  
ჩვენი სიცოცხლე, ასე მდიდარი,  
ჩვენ არასოდეს დაგვენანება!

დაე სამშობლო მარად იტევედეს  
რაც მზით გამთბარი სილაჟვარდელა,  
დაე მარადის, კიდით კიდემდე,  
გადაშლილ იყოს დიდი ხარტია.

ენტოს სიმღერა მოგანთიადე,  
და შრომაც იყოს სავსე ხალისით,  
მარად ყვავოდეს მიწა დიადი  
და მისი დროშა უმხურვალესი.

მისი ძაღლონე მტრებმა იციან  
და სიდიადე მისი მთებური.  
ჩემი სამშობლო ლურჯი სივრცეა  
დიდბ ბელადის მზით ანთებული.

სიყრმეს, გმირობას და გაქანებას  
სამშობლოს სივრცემ დასცა დასტური,  
ჩვენც სამშობლოსთვის არ გვენანება  
ჩვენი სიცოცხლე ახალგაზრდული.

ყავალი. \*)

ცხვრის ღრუბლებით მთები გადაინისლა,  
მწყემსმაც დილას მიუმღერა ყავალი,  
უცნაურად, ისე, როგორც თილისმა,  
აღუღუნდა მთების გადასავალი.  
გადახვალ და... ან გული რად გაგიწევს,  
იქ არწივიც აღარ გადაფრინდება;  
შენს მიწაზე ისე მტკიცედ აბიჯებ,  
ლამის მისი კოცნაც კი მოგინდება.  
გულს გიხარებს კომკავშირის ბილეთი,  
სიჭაბუკეს—გოგო მაყვალთვალება.  
სამშობლოზე რად მღერო; ვინ გეტყვის,  
ვაჟკაცობაც იმას ენაცვალება.  
ახლაც გულთან საუბარით ხალისობ,  
ახმატკბილებ ყავალს იალადებზე;  
გულიც გეტყვის, სიყვარული ჰყვავისრ,  
და გოგონა თურმე მთებში დაგეძებს...  
გახედავ და, თვალებს ჰმუნვით დაჰბურავ,  
საზღვარს იქით ნულარც ქარი გადავა...  
ვსთქვათ; ყავალმა როგორ გამოაბრუნა,  
ცხვარი საზღვარს გადასული ნადავლად.  
ისე ტკბილად დაჰღუღუნებ იალადს,  
ბაიათებს, სამშობლოზე დიდებას,  
ცხვარს საზღვრიდან დააბრუნებ კი არა,  
ის ვარსკვლავიც, მგონი აქ დაფრინდება.  
როგორ მინდა, ვითხრა ჩემი სათქმელი, —  
შეც ვამაყობ შენი სიყმაწვილეთი,  
გულს რომ ვითბობს სიყვარული ნათელი,  
სიჭაბუკეს — ვაჟკაცობის ბილეთი.

---

\*) სალამურის მგავსი საკრავი

# საუბარი იოიოთას

„მოისმის იგრის ჩქრიალი,  
სიზმარს უამბობს კალასა“.  
ვაჟა-ფშაველა.

ვაჟამაც აქო შენი ტალღები  
და ალბათ მგზავრმა გითხრა ლექსები.  
სადაც მორევში, როგორც ბაღლები  
ჭყუმპალაობენ მურყნის ფესვები.  
კარგი წყალი ხარ! კალმახის ბუდე,  
საიალადო ცხვრების აბანო.  
შენთან მწყემსები იხსნიან გულებს,  
ტალღებს სხეული რომ დაამგვანონ.  
მთების ლაჯებში ბორგავ მძვინვარი,  
ორწოხებს სწვდება ტალღების ტაში.  
ზოგჯერ ავდები ტან-ნაწვიმარი,  
დაღეწავ კლდეებს, ბილიკებს წაშლი.  
რომ შიშ-ნაჭამი ახავლდეს შველი,  
მურწაც ქვებს უღვაშს უღიტინებდეს,  
რომ ჩახახებდნენ ტალღები შენი  
და დამსხვრეული შავი ტინები.  
მთვარე რომ ტალღებს ააფერადებს,  
ზეცა იმსხვრევა ყვითელ შუშებად,  
იძალებს შუქი და ტანკენარებს  
თავის ჩრდილები ეხამუშებათ.  
მორევში მოსჩანს ვერცხლის მადანი  
და ჟრუანტელი როცა იალებს,  
ნაპირზედ მყოფი ერთი მათგანი  
ჩემს ლექსს ჩურჩულით გაგიზიარებს.

მაშ მითხარ ლექსი, აქ აფრენილო  
სად დაიბერტყავს მხრებს ეყენებიანს.  
მითხარი, ღამით ვერხვის ფოთლები  
ჭალას რა ზღაპარს ეუბნებიან.  
ჯერ კიდევ ბავშვი გხვდებოდი დილით  
დიდგულის თოფით და ჯოხის ცხენით,  
გვეფარა ცა და გაშლილი ჩრდილი  
შენს ნაპირზე რომ აჩენენ ხენი.

\* \*

მას შემდეგ მოდის თერთმეტი წელი,  
თერთმეტჯერ ხეთა თოვლისგან დახრა  
თერთმეტჯერ გახმა ტბის პირას ლელი  
და მეთორმეტედ ამწვანდა ახლა.  
შენც შეიცვლები, დაიდგამ ჯილას,  
გაუკვირდება ჩამოსულ ფშაველს:  
გიაშობს ორი ობოლის იგავს,  
მიწაზედ ყოფნა რომ დაუშალეს.  
მთვარეს დაფარავს სხივთა შქერები,  
შენი ტანიდან გამონაწოვი.  
მაშინ მეც უფრო მოგეფერები,  
ჩემო იორო, აკვნად ნარწევი.  
და შინდა მიწას ლექსების შქერი  
შენი შხეფივით გადმოვაყარო.  
...ვსაუბრობთ ასე, ვსაუბრობთ ლხენით  
ამ საუკუნის ორი მაყარი.  
როგორ კარგი ხარ! როგორ იცვლები!  
მოდი, მომეცი ძმური ხელები.  
კაცი მგონიხარ, გულს გეფიცები,  
და ასე მისთვის გემეტყველები.  
ვაჟამაც აქო შენი ტალღები,  
მთიელმა — მთიელს გითხრა ლექსები,  
სადაც მორევში, როგორც ბაღლები,  
ქყუმპალაობენ მურყნის ფესვები!

## ნარინჯების მხარეში

აგერ სიმწვანით სავსე ნაძვია,  
თოვლი კაშკაშებს აჭარის მთაზე,  
ახლა ლაყვარდი ზეცას აცვია,  
დილა იღვიძებს ჩიტების ხმაზე.  
ისე წყნარი და სუფთაა პონტო,  
მგონია თითქოს ერთი წვეთია.  
ჩუმად შრიალებს ნარინჯის ტოტი,  
ოქროს ნაყოფი რომ მოწყვეტია.  
შინდა სულ ასე ლამაზი იყოს  
ჩაის, პალმის და ვარდის ქვეყანა.  
ცაში გაფრენილ მამაც ფადიკოს  
ნეტავ ღრუბელიც შორს წაეყვანა.  
ნეტავ ბუღბუღლად მაინც მაქცია,  
გული ამ წალკოტს რომ ველარ ტოვებს.  
ყვავილებს შორის დგას აკაცია,  
ფუტკრის ლაშქარი ესევა რტოებს.  
ახლაც ლიმონებს კრეფენ ქალები,  
თოვლი კი ბრწყინავს აჭარის მთაზე,  
მოდით, ჩამიდგით ჭიქის თვალები,  
თორემ სულ დამწვა ამ სილამაზემ.

---

# ბელიყარა

ისტორიული ნოველა

კახაბერს თოფი კომბალივით გაედო მხრებზე. ზედ გაშლილი მკლავები გადაეწყო და სიმღერით მიდიოდა.

გელიყარის უფსკრულის მარჯვნივ, კლდის ძირას, დაჩრდილულ მწვანეზე შეიარაღებული მგზავრი ისვენებდა.

რადგან გზა ამ ადგილს კარგა მანძილიდან პირდაპირ გაჰყურებს, კახაბერმა შორიდანვე შენიშნა უცნობი. ეტყობოდა დაღლილი იყო. შორიდან მომავალი, მცირე ხნით დასასვენებლად წამოწოლილიყო, მაგრამ ნეტარების წუთებში ჩაეთვლიმა და უნებურად ჩასძინებოდა.

მიახლოვებისას კახაბერმა სიმღერასაც უკლო და ნაბიჯსაც, რაც უფრო მის ცნობისმოყვარეობას ადასტურებდა. ვიდრე სიფრთხილეს, რადგან დარწმუნებული იყო, რომ კოჯრის გზაზე კახაბერს სიფრთხილე არ დასჭირდებოდა. სჯეროდა, რომ არა თუ ადამიანის მსგავსი სულიერი, ბალახის ღეროებიც კი ძრწოლით ირხეოდნენ, როცა ახლოს ჩაუვლიდა.

მაგრამ იცნო თუ არა მიძინებული მგზავრი; ამ კაცის მშვიდმა და უწყინარმა გამომეტყველებამაც კი უმაღვე შეუშფოთა სული უდარდელად ამღერებულ სპასალარს: სისხლჭარბი ლოყები გაუფითრდა, სახე გამხდარი ჩალის ფოთოლივით გადაეცრიცა და გაუშეშდა, წვრილი თვალების მომწვანო გუგების შუაგულში ჩასმული პატარა შავი წერტილებიც კი თითქოს საესებით გაუქრა...

\*

\* \*

მტერმა სვიმონ მეფეს ლუარსაბზე უარესი დღე დააყენა. გახშირდა ბრძოლა, საზღვრებზე თავდასხმა და სპარსეთის მეზობლად



შემდეგ ძმამაც უღალატა, გაუდგა და სპარსეთის შაჰის წინ მუხლმოდრეკილი დაეცა. მათიანე სვიმონის ძმის დავითისაგან სამშობლოსადმი ამგვარ ღალატს და კაცურ სულმოკლეობას თვით მის უმწიბრობასა და უჯიშობაში ხედავს. სხვანაირად არც შეიძლება ბოდა მოქცეულიყო დავითი, კაცი ხორცმოყვარე და შეძავ-განცხრომელი.

შაჰთამაზმა ის, როგორც სამშობლოს მოღალატე და თავისი უსაზღვროდ მორჩილი, უმაღვე გაამაჰმადიანა. სახელიც შესაფერისად გადაუკეთა: დაუთხან.

უბოძა ფულადი ჯილდო, შემოსა ძვირფასი ტანსაცმელით, და ახურა თავი — გვირგვინი, დოღბანდზე მჭიდროდ შემოხვეული ოქროქსოვილით და თორმეტი ჯილით შემკული. უბოძა ხმალი და ხანჯალი, ცხენი ოქროთი მოჭედილი და თვლებით მოოჭვილი საკაზმავით. უბოძა ოქროს სასმისები — სურა და თასი.

მხოლოდ სულმოკლე კაცი შეიძლება ბოდა მოეხიბლა ასეთ საჩუქრებს.

შაჰისაგან ზურგამაგრებულმა და გათამამებულმა დაუთხანმა მალე გამოსწია ქართლისაკენ, რომლის მეფობაც უკვე „უბოძა“ შაჰთამაზმა. ამიერიდან ერთმანეთის სისხლის მონატრული ძმების ბრძოლა დიღომთან გახიარდა. ბრძოლა ხანმოკლე იყო, მაგრამ მეტად ფიცხელი. დაუთხანი სამარცხვინოდ დამარცხდა, მაგრამ ამის შემდეგაც იმდენი სინიღისი არ აღმოაჩნდა, რომ ძმასთან ახალი ბრძოლის გამართვის განზრახვაზე ხელი აეღო, მით უმეტეს, თითონაც სწამდა, რომ სვიმონის მხარეზე იყო მთელი სამშობლო — ხალხი, სიძართლე. მის მხარეზე კი მხოლოდ სპარსეთი.

ტფილისის ციხეში თავშეფარებულ დავითს სვიმონი შემოერტყა გარს, მაგრამ სვიმონს ჰუსეინბეგმა შემოუტია და დავითი იხსნა... დროებით. ჰუსეინბეგსა და სვიმონს შორის გამართულ ბრძოლაში დავითი ჩაერია, მაგრამ დამარცხება აქაც მას ხვდა წილად.

შაჰთამაზი გააცოფა თავისი მორჩილის ამგვარმა დამცირებამ და შეიძლება უძლურებამაც კი.

1569 წელს შაჰთამაზმა შეჰკრიბა მრავალრიცხოვანი ჯარი. ამავე დროს აცნობა შაჰვერდი სულთანს — შაჰის მმართველს, ყარაბაღისა და შემახის ბეგლარბეგებს — გამოეყვანათ სასყიდლით ლეკის შამხალები, თავი მოეყარათ ემირებისათვის და ეშველათ დაუთხანისთვის. მალე ყველამ განჯაში მოიყარა თავი. განჯიდან ხუნანში გადმოინაცვლეს, მაგრამ იქ შეყოყმანდნენ, რადგან იმდროისათვის სვიმონ მეფეც დიდძალი ჯარით ანწუფის მისუ-ლიყო.

ყველა გრძნობდა, რომ იქ უნდა მომხდარიყო რაღაც საშინელება, შეუბოვარ ვაჟკაცსაც რომ ჟრჟოლას ჰგვრიდა და გულს ბოლმით უესებდა.

სპარსეთის მეზობლად მობინადრე კახაბერის ცოლის მშობლებსა და ნათესავების ამოჟლეტა სპარსელთა უკანასკნელ შემოსევის დროს, მათმა გახშირებულმა რბევა-თარეშმა, ძლიერ მტერთან მუდამ უთანასწორო ბრძოლამ, დაუთხანის საქციელმა, სვიმონ მეფის სიშმაგემ, რომელიც ასე შეუბოვრად ებრძოდა შემოსეულ მტრებს, — ყოველივე ამან ქართველების მცირე ნაწილს სამუდამოდ გაუტება გული და დაუკარგა ოდესმე წელში გასწორების რწმენა. ისინი მზად იყვნენ საქართველოს საუკუნეთა მანძილზე ვსოდენ სანატრელი და სისხლით გაბანილი დამოუკიდებლობა მშვიდობიანობაზე გაეცვალათ, მაგრამ წარმოდგენაც კი ვერ მოეხერხებინათ, როგორი უნდა ყოფილიყო თავისუფლებას შეჩვეული ადამიანების მშვიდობიანობა მტრის ხელში.

კახაბერ ყორღანაშვილმა ყველას დაასწრო. მოულოდნელად განუდგა სვიმონს.

...როცა კახაბერი თავის ბანაკში ეგონათ სვიმონ მეფესა და საჩინო ბარათაშვილს, როცა მასზე ძველებურად დიდ იმედებს ამყარებდნენ და სჯეროდათ, როგორც ყოველთვის, რომ იგი ამ ომშიც მიაღწევდა წარმატებას, კახაბერი თავის ბანაკში აღარ იყო და ეს ნდობით აღჭურვილი სპასალარი ამიერიდან სამშობლოს მიწაზე ამოსულ უვარგის ღერ ბალახად აღარ ღირდა.

კახაბერი მშვიდობიანად მიაცილა მთვარემ სვიმონის მტრის ბანაკამდე.

იმ წუთებში შაჰთამაზიც კი უჩვეულო შიშს შეეპყრო: ვინ იცოდა, იქნებ სვიმონს მისთვისაც სამარცხვინო საქმე დაემართნა ხვალინდელს ბრძოლაში. დაუთხანიც წინასწარ შეეკრთო შიშს, მაგრამ შიშზე უფრო დაუნელებელ ბოღმას მოეღრიცა ჰინაში მოთხუპნული წვერით შემოსილი მისი სახე.

შაჰმა ყორღანაშვილის გამოცხადება ალაჰის წყალობად ჩასთვალა, მხნეობა დაუბრუნდა, თუმცა, სანამ ის საბოლოოდ დარწმუნდებოდა კახაბერის ერთგულებასა და გულწრფელობაში, ეჭვებმა რამდენჯერმე ჩააფიქრეს მწარედ. განგებ მიგზავნილი ეგონა. თან უკვირდა — ასეთი სპასალარი როგორ გაიმეტა სვიმონმაო.

როცა ყორღანაშვილი სვიმონის ბანაკამდე ფრთხილად მიუძღვა მტერს და მოულოდნელად მიუსია, მაშინ კი დარწმუნდნენ შაჰთამაზ და დაუთხან კახაბერის ერთგულებაში.

მაგრამ ქართველები ვერც კახაბერის ღალატმა, ვერც სპარსელების მოულოდნელმა თავდასხმამ ვერ დააბნია. მსწრაფლ იკრეს ხელი ხმაღს, შუბებიც აღმართეს, თოფები და მშვილდისრებიც მომართეს და მიესივნენ მტერს. პირველსავე კვეთებაზე უკუაქციეს მისი გუნდები.

დასაწყისს კარგი პირი უჩნდა და გამარჯვებაც ქართველებისკენ იხრებოდა, მაგრამ... მეფე მამაცი მეომრებითურთ სპარსელების საერთო გუნდიდან უნებურად მოწყვეტილ ჯგუფს გამოენტო. აქ ყორღანაშვილმა ერთხელ კიდევ ისახელა თავი: რაწამს დაინახა ასე სახიფათოდ განცალკევებული მეფე, უმაღვე შაჰის ნებართვით მიუსია სპარსელების ძლიერი გუნდი. მტერი შემოერთყა სვიმონ მეფეს და მოსწურა. შამხალ სულთანის ეჭთმა თავგანწირულმა გულამმა, რომლის სახელიც ისტორიამ შეგვინარჩუნა — ჯემშიდმა გამოსტაცა სვიმონს ცხენი და სხვების დახმარებით უვნებლად დაატყვევა.

ყორღანაშვილი დიდად კმაყოფილი დარჩა, რომ მის მიერ დაწყებული საქმე ასე კეთილად წარიმართა. დღეს თუ სპარსელებმა გაიმარჯვეს, მხოლოდ მისი წყალობით.

ერთი რამ კი არ მოეწონა კახაბერს შაჰის საქციელში: დატყვევებული სვიმონი მეფური პატივისცემით ჩამოიყვანა ტფილისს, ხოლო აქედან ასეთივე პატივისცემით და მზრუნველობით გაისტუმრა სპარსეთს...

...კახაბერმა მალე მშვიდობაც მოიპოვა და ძლიერებაც — ყველა ძრწოდა მის წინაშე, ყველა გაურბოდა, ყველა ნატრობდა მისი მზის დაბნელებას.

ქართველ ვაჟკაცებს არ ავიწყდებოდათ მისი „ღვაწლი“ სამშობლოს წინაშე.

საჩინო ბარათაშვილმა იდო თავს ყველას მაგივრად სამაგიეროს მიზღვევა, თუმცა ამის შესახებ ყორღანაშვილს არაფერი არა სმენოდა და ტფილისიდან გადახვეწილ ბარათაშვილთან მეგობრობის აღდგენასაც კი ლამობდა. მიუხედავად ამისა, მოუსყიდველი მამულიშვილის შიში გულში მანც ფარულად ედო და თავს ყოველთვის ეუბნებოდა: „სიფრთხილე გმართებს, ყორღანაშვილო“.

ესლაც ასე მოიქცა, იცნო თუ არა გზის პირად მიძინებული საჩინო, მის გამოღვიძებასა და გასაუბრებას ფეხაკრეფით ამ ადგილიდან გაპარვა ამჯობინა. ამ გადაწყვეტილებით განშორდა კიდევ საკმაო მანძილით სახიფათო ალაგს, მაგრამ მედიდურმა თავმოყვარეობამ შეურყეველმა რწმენამ იგი ესლა დაუთხანის საყვა-



რელი კაცი იყო, უკანვე დააბრუნა. შეავლო თუ არა ხელმეორედ თვალი მძინარეს, მწარე ღიმილი გაიკლაკნა მის თხელ და მოგრძო ტუჩებზე.

კაცი რომ დაუფიქრდეს, რისი უნდა ეწინოდეს კახაბერ ყორღანაშვილს, თუ დამარცხებული, ლაფში ამოსვრილი ყოფილი სპასალარი, რომელიც, მართალია, თავის დროზე ყოჩაღი სარდალი და მეომარი იყო, ეხლა აღარაფერს წარმოადგენს. ეხლა ეს კაცი, რომელსაც ტფილისის ახლოს გავლისაც კი ეწინია, ყორღანაშვილს რომ პირისპირ შეეყაროს, მუხლებზედაც დაიჩოქებს, ალბათ...

უსათუოდ დაიჩოქებს.

კახაბერმა როგორც იყო გული გაიმაგრა, ხმალსაც წაატანა ხელი, სარტყელი შეისწორა და დინჯი ნაბიჯით მიუახლოვდა მძინარე სპასალარს. სულ ახლოს მივიდა, დახედა. „მაღლი კი იქნება, ამ ძილში თავი დავატოვებინო“.

კახაბერს ძალიან მოეწონა ეს აზრი, მაგრამ შესრულება ვერ გაბედა.

საჩინოსთან ისევ მორიგება და საქმის კეთილად დამთავრება სჯობდა. თუ ამ მსხვილფეხა მტერს მოიშინაურებს, წვრილფეხანი უთუოდ მას მიჰყვებიან უკან.

ვინ იცის, ძველი მეგობარია, არ შეიძლება არ გამოადგეს. ბოლოს და ბოლოს ამ კაცისათვის არაფერი ავი არ უქნია. მეფე მოსთხარა, მის ფესვებს საშველად ერთგული სპასალარიც მოებლაუჭა და.... გადაჰყვა...

ამ ფიქრებმა საბოლოოდ დაამშვიდეს სპასალარი. იგი შუაგზაზე გავიდა, მომავლის პოზა მიიღო და ხმამაღლა გასძახა:

— საჩინოს გაუმარჯოს!

მძინარემ მხარი იბრუნა, წამოიწია. ძილისაგან ბინდგადაკრული თვალები შეავლო მგზავრს, რომელიც შუაგზიდან აღარ იძვრებოდა.

უნდოდა სამაგიერო სალაში მიეცა და ძილი განეგრძო, მაგრამ საჩინომ... იცნო კახაბერი. წამოიჭრა. მიაშტერდა. რაკი მუდმივი ფიქრი კახაბერზე არ ასვენებდა და თვალწინაც სულ კახაბერი ედგა, ეგონა, ეხლაც უცნაურმა ხილვამ შემიპყრო. ყოყმანში ბარბაცებდა, კლდეს ზურგით ეკვროდა, თვალებს ისრესდა და ისევ გოცებით მისჩერებოდა კახაბერს.

კახაბერმა ერთხელ კიდევ ამოიღო ხმა:

— ძილს მიჩვეულხარ, სპასალარო, კარგა ხანია სიწყნარე სუფევს ქართლსა ზედა — იმის ბრალი უნდა იყოს.



ჩაიციხა, მიუახლოვდა, ხელიც გაუწოდა:

— გაუმარჯოს საჩინოს!

საჩინოს მოთმინება აღარ ეყო, მიაყვირა:

— ყველა ქართველს გაუმარჯოს თავისი ერის მოღალატეზე!

მისი ამოწვდილი ხმლის ელვარე ანარეკლმა ცივად მიანათა კახაბერს სახეში.

ყორღანაშვილი წამით დაიბნა. საჩინომ აცალა, სანამ გონს მოვიდოდა — სწამდა, რომ სიმათლე მის, საჩინოს, მხარეზე იყო და ბედი ამგვარი დაყოვნებისთვის არ უმტყუნებდა.

ბართლაც, პირველსავე შემოკვირისთანავე კახაბერის ხმალი საჩინომ თავისი ხმლის ყუაზე გადაამსხვრია.

კახაბერი ერთხელ კიდევ დაიბნა. შიშისაგან ქვემო ტუჩი მოკვეთილივით ჩამოეკიდა. ეხლა კი მის გონზე მოსვლას აღარ დაუცადა ყოფილმა სპარსალარმა, ხელდახელ მიუვარდა, ატაცება დაუპირა, მაგრამ კახაბერიც ყოჩაღად დაუხვდა, თავის მხრივ საკმაოდ შეანჯღრია წელზე ხელებ-შემოსალტული მტერი, ფეხიც დაუდო, მაგრამ საჩინო მაინც გაუსხლტა, წამს ზურგიდან მოექცა, ხელი ნიკაპში ამოსდო და თავი დასაკლავ ხარივით გადაუღრიცა.

საჩინომ ერთხანს შეატყო, თითქოს სძლევდა კიდევ მას დაუთხანის ნასუფრალით მოღონიერებული კახაბერი. მაშინ გადასწყვიტა, მასთან ერთად ხრამში გადაჩეხილიყო და დაღუპულიყო, თუ სხვა რამ საშველი არ აღმოჩნდებოდა, და თუ რამე აჩერებდა ჯერ კიდევ ამ განზრახვის სისრულეში მოყვანისაგან, მხოლოდ შეგნება, რომ მათი გვამები სადღაც ხრამში ერთად უნდა გახრწნილიყვნენ, თუ მადლიერი ნადირის ყნოსვას გადაურჩებოდნენ უნებლიედ.

საჩინოს სახეზე აქა-იქ უკვე სისხლი სდიოდა.. მწარედ იკაწრებოდა კახაბერი. მგონი, ყურზედაც კი უკბინა. მაგრამ მოღალატესთან ბრძოლით გართულ საჩინოს არც კი უგრძენია ტკივილი. ორივენი თავდახრილნი იბრძოდნენ. ეშინოდათ, რომელიმე მათგანს წელში არ მოეველო ხელები და არ გადაეჩეხა.

საჩინო უფრო ადრე დაიღალა. მთელი ძალღონე პირველ შემას შეაღია. მაგრამ რწმენა იმისა, რომ თუ ამ ნადირს დაამარცხებდა, ყველა ქართველი ვაჟკაცი დიდად მოიწონებდა მის საქციელს და ყველას დიდხანს ემახსოვრებოდა როგორც საჩინო ბართაშვილი, ისე გელიყარა, მხნეობას მატებდა და კვლავ თავგამოდებით უტევდა კახაბერს.

ბოლოს, თითქო მოსწყინდათ ასე ბრძოლაო, ერთმანეთს ბრაზით ხელი ჰკრეს და მცირე მანძილით განშორდნენ ურთიერთს.

ორივე, თავდახრილი, მხრებ-ჩამოყრილი, მიძიმედ სუნთქავდა.

კახაბერი ატყობდა, რომ საჩინოს ვაგლახად ვერ წაუვიდოდა, საჩინო კი ხედავდა, თუ ისევ ხელდახელ შებმას გაბედავდა, ადვილად შესაძლებელი იყო მოღალატეზე ადრე მას გაეზომა გელიყრის ხრამის სიმაღლე.

უნებურად ნაბიჯი გადადგა. კახაბერმა დაინახა თუ არა მისკენ დაძრული ბარათაშვილი, წუთით ირგვლივ მიმოიხედა. არც ხე, არც მოზრდილი ქვა. თოფი ხომ შორს გდია, ხმალი, მხოლოდ შუაზე გადამტვრეული ხმალი ეგდო ახლოს.

დაიხარა და იმ ხმალს სწვდა, მაგრამ საჩინომ დროზე მიუსწრო. ნახტომით და ჯერ კიდევ წახრილს ორივე ხელი თავში ჰკრა. კახაბერმა მოასწრო გამართვა, მაგრამ ბარბაცით წავიდა კლდის ნაპირისაკენ, საიდანაც უფსკრული იწყებოდა. თავის შეკავებას კიდევ როგორმე მოახერხებდა, რომ ბარათაშვილი მეორედ და უკანაკნელად არ მივიარდნოდა.

კახაბერმა ხმლის ნატეხი ჰაერში აისროლა, ხელების ქნევით ნელა გადიხარა და წონასწორობა დაკარგული თავდაყირა გადაეშვა უფსკრულში.

— ეჰ! — გაიმეორა უფსკრულმა მისი უკანასკნელი ამოკვნესა.

— მართლა ეჰ შენს საქმეს! — ჩასძახა ხრამის პირას მისულმა ბარათაშვილმა, რომელსაც უდიდესი სიხარულის და კმაყოფილების იერით გაბრწყინებოდა დაკაწრული, დასისხლიანებული სახე.

— გელიყარა! — წაიხურჩულა მცირე დუმილის შემდეგ გამარჯვებულმა და გზას გაუდგა.

## ესპანური დღიური

20 აგვისტო.

დილით ადრე დოლორესთან შევიარე, იქიდან ფუენკარალზე გავლით სიერა გვადარამისკენ წავედით. შესანიშნავი ავტოსტრადა მიემართება ხშირ ტყეში, ხოლო შემდეგ ქალაქგარეთ მდებარე ვილებს შორის. თითქმის განუწყვეტლივ ერთმანეთს სცვლიან პატარა კურორტები. აქ ისვენებდა მადრიდის სიცხისაგან დიდკაცობა და მდიდარი ბურჟუაზია. ახლა ყველაფერი დაუნგრევია არტილერიას, ხანძარს, ან კიდევ დაკეტილ-აჭედილი, გავერანებული და მიტოვებულია.

სერსედილია და გვადარამა უკანასკნელი დაბებია ფრონტის ხაზთან. აქ დანგრეულია შენობების სამი მეოთხედი. თითქმის ყველგან ნასახლარი და ნანგრევებია. აი ამ გადამწვარ სახლიდან გადარჩენილა მხოლოდ ერთი ქვითკირის კარი და მასზე ერთ ლურსმანზე ჰკიდია შებოლილი აბრა: „დაზღვეულია ცეცხლისაგან“. ჰყრია ტელეგრაფის ბოძები, მავთული, ცარიელი ვაზნები და ყუმბარის გილზები.

კლდეების, ხეობებისა და ტყის ამ რთულ დახვავებაში უკვე თავა დაძაბული, შეუნელებელი ბრძოლა მიმდინარეობს. აქ ჯერ არც ერთხელ არ ყოფილა მყუდროება. ფაშისტები მოჯადოებულნი არიან დედა-ქალაქის სიახლოვით. სულ ორმოცდაათი კილომეტრია — ნაკლებიც. საკმარისია გაარღვიონ რკალი, ჩავიდნენ ქვევით, ქვაბურში, — და უკვე შეიძლება ყელში სწვდნენ მადრიდს, მთავრობას, რესპუბლიკას. რესპუბლიკელებს ესმით ეს. მათ ესმით, რა ძვირად შეიძლება დაუჯდეთ სულ უმნიშვნელო შეცდომა, უყურადღებობა.

1 ნაწყვეტები პირველი წიგნიდან.



ქვემეხები ორივე მხარეზე არც ისე ბევრია. მაგრამ მთის აკუსტიკა აასკეცებს ქვემეხების გრიალს ხეობებში, ჰქმნის ფანტასტიურ, მართლაც ჯოჯოხეთურ გრავინვას.

ყოველ დღე დილიდან დაწყებული გვიან ღამემდე ადამიანთა პატარა ჯგუფები მიიპარებიან ფერდობებზე, მიხობხვენ კლდოვან ფერდობებზე, ცდილობენ შემოუარონ, გზა გადაუჭრან, დაუდარაჯონ ერთმანეთს, ხელში ჩაიგდონ კიდევ ერთი კლდე, კიდევ ერთი გორაკი, ცეცხლის ქვეშ დააყენონ კიდევ ერთი ხევი.

აქ ყველა იცნობს დოლორესს. შორიდან ესალმებიან; სთავაზობენ პურს, ღვინოს ჯარისკაცის მათარიდან, ემუდარებიან შეჩერდეს, ჩამოჯდეს, იქით აღარ წავიდეს. სიერაზე ყოველი ჯარისკაცი ამბობს — ვიცნობ დოლორესსო.

დღეს აქ განსაკუთრებული გაცხოველებია. რესპუბლიკელთა კოლონები ცდილობენ განაფითარონ პოლკოვნიკ მანგადას ჯგუფის გუშინდელი წარმატება და უკუაგდონ მემობხენი მახლობელ მიჯნიდან. მტერი გააფთრებული უპასუხებს ქვემეხებისა და ტყვიამფრქვევების ცეცხლით — ყოველ წუთს გაისმის ტყვიისა და შრახნელის ზუზუნი. ჯარისკაცები არწმუნებენ დოლორესს — ხობვით იაროს. ის კი ხელს იქნევს და გადარბის, როგორც ყველა, წელში გამართული, ოდნავ თავდახრილი.

— რითი ვარ თქვენზე უარესი! კარგი, მეორედ ქოლგით მოვალ, მაშინ აღარ დამაწვეთავს თავზე.

იგი ყოველ დანგრეულ სახლში შედის, ყოველ ჯარისკაცსა და ოფიცერს ესაუბრება. დიდხანს გამოჰკითხავს ტყვეებს, გულდასმით გებულობს მათგან პატარა, მაგრამ ფრიად მნიშვნელოვან ცნობებს შეამბოხეთა მდგომარეობის შესახებ. იგი ეჩხუბება მზარეულებს სადილების ხარისხის გამო. გაიგებს რა, რომ კოლონაში უკვე მეორე დღეა არ არის ბოსტნეული, იგი საველე ტელეფონით უკავშირდება რომელიღაც ორგანიზაციებს, შოულობს საბარგულს ნესვისა და ტომატისათვის.

პატარა ვილაში მოთავსებულია გვადარამის სექტორის შტაბი. ამჟამად ფაშისტებმა მიზანში ამოიღეს ეს სახლი და ბალი და ტყვიამფრქვევებს უშენენ. უბნის მეთაური, პოლკოვნიკი ასენსიო, ოპერის ტიპის ლამაზი მამაკაცი, გვიკრძალავს გამოსვლას, ვიდრე სროლა არ შენელებს. ხარშავენ ყავას. დოლორესი ესაუბრება კასარეს კიროვას, გამხდარ, გრძელ-სახიან კაცს, რომელსაც მონო და ხამლი აცვია. იგი მთავრობის მეთაური იყო ამბოხების მოშენტში, დაბნეულობა და უმოქმედობა გამოიჩინა, გადადგა საყო-

ველთაო უკმაყოფილების გამო და ახლა ფრონტზე ცდილობს მონაწილის ცოდვები.

მოგვბეზრდა ცდა, დოლორესს უნდა წავიდეს წინ, იქ, სადაც ჩასაფრებულია საყარაულო დაცვა. ყველა იშმუშნება და ცდილობს დაუშალოს. დოლორესი გაახსენებს, რომ იქ მებრძოლეთან უკვე, ოთხი დღეღამეა არაფერ არ ყოფილა, სანოვაგით დატვირთულ ვიწროებს გარდა. მაიორი რისტორი, მხიარული, ჩასუქებულ კაცი, კოჭლი და რატომღაც სრულ საპარადო ფორმაში გამოწყობილი, კისრულობს ჩვენთან წამოსვლას.

მივდივართ, გადავბრვივართ. მოკლე რისტორი მობაჯბაჯებს ჯოჯოხით, ოფლში იწურება. გზის ერთი კილომეტრის და ბილიკის ორასი მეტრის გავლის შემდეგ, ხოხვით უნდა ვიაროთ მზისაგან გავარვარებულ ქვებზე, მხვლეტავ ასკილში. დოლორესი მგრძნობიარედ, ქალურად წაიბოროძიებს, როდესაც ტყვია ქვაზე დაიჭრილებს. რისტორი ნაღვლიანად შეჰყურებს.

ოცეული კლდის ნატეხებს ქვეშ მოწყობილა. იქიდან ღია გასასვლელი გაუყვანია ბლინდაჟისკენ. ბლინდაჟი მოწყობილია წვრილი ქვითა და ქვიშით სავე ტომრებისაგან. გასასვლელის თავსა და ბოლოში ჯარისკაცებს გაუკეთებიათ სახუმარო წარწერები: „მეტრო მადრიდი — სარავოსა“.

ჯარისკაცები და მეთაურები აღფრთოვანებულნი არიან დოლორესის მისვლით.

— როგორ მოაღწიე აქამდე? აქ ხომ მამაკაცებიც მხოლოდ ღამით მოდიან! აი ქალი — ტყუილად კი არ დაგარქვეს შმაგი!

მივცოცდით ბლინდაჟთან. აქედან ნათლად მოსჩანს მეამბოხეთა ბლინდაჟები — რაღაც ორასიოდე ნაბიჯია.

მთელი ოცეული ამ პატარა ბუნავშია თავმოყრილი. მებრძოლნი ყოველი მხრიდან ეხვევიან დოლორესს — მზისაგან დამწვარნი, წვერგაბარდულნი, ნაწილობრივ ჭრილობა-შეხვეულნი. სწეწავენ დოლორესს, ეძახიან ერთსა და იმავე დროს ყოველი მხრიდან.

— დოლორეს, დაღიე ჩემი ტოლჩიდან!

— არა, ჩემიდან!

— დოლორეს, წაუღე წერილი დედა-ჩემს.

— დოლორეს, დახედე ჩემს ჭრილობებს, თითქმის შემიხორცდა ოთხ დღეში.

— დოლორეს, გაძლეე სახსოვრად ჩემს შარფს. იცოდე, არ გადაადგო!

— დოლორეს, გამოსცადე ჩემი ტყვიამფრქვევი, შესანიშნავი მანქანაა!

და დოლორესი სვამს ტოლჩიდან, ართმევს წერილებს, ეხება კრილობებს, იხვევს ჯარისკაცის შარფს და იცქირება ჯიბის სარკეში, მიაღებს ჭალარა თავს ტყვიამფრქვევს და ისვრის.

ფაშისტები ხშირი, გააფთრებული, ცეცხლით უპასუხებენ. მათ დიდი ხანია არ მოსწონთ ფაცა-ფუცი და გაცხოველება ბლინდაჟში.

— აი, ხედავ, დოლორეს, სახიფათო საქმეში ჩავაბით.

— პირიქით, მე დაგატეხეთ ეს კოკისპირული წვიმა.

მჭიდროდ შეჯგუფებული ჯარისკაცები ისმენენ დოლორესის ნაწყვეტ სიტყვებს:

— მეც ხომ თქვენსავით უბრალო ესპანელი ვარ, არა კეთილშობილთა რიცხვიდან. ჭურჭლის მრეცხავად ვიყავი მაღაროში. ჩემი კმარიც მუშა-მემადაროვია... მაგრამ ჩვენ ყველანი, უბრალო ხალხი, მუშები, ბოლომდე ვიბრძობებით თავისუფალი, ბედნიერი სახალხო ესპანეთისათვის, გენერლებისა და იეზუიტების ფაშისტური ხროვის წინააღმდეგ... თქვენ მამაცი ბიჭები ხართ, ვიცი, მაგრამ მარტო სიმამაცე არა კმარა... საჭიროა ნათლად გესმოდეს, ვის წინააღმდეგ იბრძვი, ვის ესვრი... ჩვენ ვესვრით ჩვენს წყეულ წარსულს, ბურბონებისა და პრიმო დე რივერას ესპანეთს, რომელიც დაბრუნებას და ჩვენს დახრჩობას ცდილობს. მტერი ნუ გვთხოვს შებრახვას... ჩვენ ვართ ფაშიზმის წინააღმდეგ მებრძოლი მსოფლიო ავანგარდი, ჩვენს გამარჯვებაზე ბევრი რამ არის დამოკიდებული. ჩვენ მხარს გვიჭერს მთელი მსოფლიოს დემოკრატია... რუსი მუშები გვიჭერენ მხარს. მათ უკვე გამოგვიგზავნეს ფული, გამოგვიგზავნიან სხვა რამესაც, რაც ჩვენთვის საჭირო იქნება... აი ჩვენთან არის რუსი ამხანაგი, იგი ჩვენთან ავიონით მოფრინდა... მაგრამ ჩვენ, უპირველეს ყოვლისა, ჩვენივე იმედი უნდა გვქონდეს, ჩვენი იარაღისა, ჩვენი სიმამაცისა... ვერასოდეს ვერავინ ბოლომდე ვერ შესძლო იმ ხალხის დამარცხება, რომელიც თავისი თავისუფლებისათვის იბრძვის. შეიძლება ესპანეთი ნანგრევების გროვად აქციონ, მაგრამ ვერასოდეს ვერ გადააქცევენ ესპანელებს მონებად... თქვენ ამბობთ, ცოტა ყუმბარები გვაქვსო, მაგრამ რითი იბრძოდნენ რუსი მუშები. და გლეხები თავიანთი ფაშისტებისა და უცხოელი დამპყრობელების წინააღმდეგ? ისინი სტაცებდნენ ვაზნებსა და ყუმბარებს მოწინააღმდეგეს... დიდი დრო არ გავა და ჩვენი საქმე გაიმარჯვებს. დემოკრატიული რესპუბლიკის დროშა იფრიალებს მთელს გვადარამაზე, კორდოვის მინარეთებზე, სევილიის კოშკებზე.

მცირე პაუზის შემდეგ დოლორესი ეშმაკურად იკოხტავენს თავს და წინადადებას იძლევა:

— თუ გინდათ დიდი პატივი დამდოთ, უწოდეთ ჩემი სახელი თქვენ პოლკს.

მებრძოლები თანახმანი არიან:

— რა თქმა უნდა... თუ არ გეშინია, რომ შეგარცხვინო.

მეამბოხენი კვლავ ვარჯიშობენ სანგარზე, დოლორესი კი შო-  
ლთხრობს ჯარისკაცებს, რა წარმატებას მიაღწიეს ომში მონაწი-  
ლე ესპანელმა ქალებმა, როგორ ეხმარებიან ისინი მამაკაცებს  
ზურგში.

იგი მთლად ინთება, როდესაც გადადის საყვარელ თემაზე —  
ქალზე, ოჯახზე და ბავშვზე საბჭოთა კავშირში.

— დოლორეს, ბავშვები გყვანან?

— რასაკვირველია. შეგიძლიათ შემომნატროთ: მყავს ქალი-  
შვილი ივანოვოში, — ეს საბჭოთა საფეიქრო ქალაქია, ჩვენი საბა-  
დელის მსგავსი. ვაჟი კი მოსკოვშია, სტალინის სახელობის ქარ-  
ხანაში. იგი მხოლოდ თექვსმეტი წლისაა, მაგრამ სიმაღლე ერთი  
მეტრი და ოთხმოცი სანტიმეტრი აქვს. წარმოიდგინეთ, მალე აქ  
გაჩნდება და მეტყვის: აბა, მოდი, ხელში ავიყვანო, ჩემო პატა-  
რა დედიკო.

ყველა დიდხანს იცინის. დოლორესი კი ათვალეერებს ოცეულს  
ზრუნვითა და სიყვარულით.

მებრძოლნი თაიგულს აძლევენ დოლორესს. ეს ყბავილები მა-  
ლაზიიდან როდია. ისინი მოკრეფილია კლდეების ფერდობებზე,  
ფაშისტების ცეცხლქვეშ.

სიბნელეში მივალწიეთ შტაბს, მაგრამ უკვე არა სამმა, არამედ  
სხვების მზრუნველი თანხლებით. სერსედილიას იქით, სახლების  
ჯგუფთან, უცბად გაისროლეს. მოისმა არაადამიანური, გულსაკ-  
ლავი კივილი დ ფაცი-ფუცი. გავაჩერეთ მანქანა, წავედი ამბის  
გასაგებად. თურმე ჯარისკაცს ხელი შაშხანას ლულაზე ღებია,  
ჩასძინებია, შაშხანა გავარდნილა და ხელისგული დაუჭრია. რო-  
გორც იყო შევუხვით, თან წავიყვანეთ ესკურიალის საავადმყო-  
ფოში მოსათავსებლად. ზორბა ვაჟკაცი მთელის ხმით მოსთქვამს.  
დოლორესი მოთმინებით ამშვიდებს.

— აბა, ტუტუცო, რასა ყვირი? ხომ ცოცხალი ხარ. არც ისე  
ძალიან გტკივა. შეგშინებია ძილში. მეც ძალიან მეშინია ძილში.  
ნემსიც რომ მიჩხვლიტონ ძილში, მეგონება, ყელი გამომჭრესო. გა-  
საგებია. იქნება პაპიროსის მიწვევა ჯონდა: ახლავე მოგცემენ.

„ჰო, პაპიროსი უნდა. მაგრამ მოწვევა და ბლავილი ერთსადამა-  
ვე დროს მოუხერხებელია. არა, არა სურს წვევა. რატომ ამდენხანს  
არა სჩანს საავადმყოფო? დოლორესი ამშვიდებს:



— ახლავე მივალთ. ნელა მივდივართ, რადგან სინათლეს არ ვანთებთ, რომ მანქანას სროლა არ დაუწყონ. ან კი რა გვაქვს საჩქარო. ხელს შეგვიხვევენ და ანგელოზივით დაიძინებ.

როდესაც დაჭრილი საავადმყოფოს გადასცა, ნაწყვეტ-ნაწყვეტად უბრძანა შოფერს:

— სწრაფად მადრიდში, ცენტრალურ კომიტეტში! ვიგვიანებთ სხდომაზე. აანთე სინათლე, შეუძლებელია ასე ფოფხვით სიარული.

## 22 აგვისტო.

დიდ სახლში სერანოს ქუჩაზე წინათ მოთავსებული იყო ზილ რობლესის კათოლიკური ფაშისტური პარტიის ნაციონალური საბჭო. სახლი სავსებით ხელუხლებელია, სკამებს დარბაზში ჯერ კიდევ შალითები აფარიათ, მარმარილოს კიბის მოედანზე მორიგეობს თოფიანი კაცი. კაბინეტში, რობლესის მაგიდასთან, ქალღმერთებსა და გაზეთებზე თავდახრილი, ზის ხოზე დიასი. მისი გრძელი, შავგრემანი ჩაფიქრებული სახე ბევრად უფრო ხნიერად გამოიყურება დაღლილობისა და ავადმყოფობისაგან. დღისით იგი მარტო მუშაობს, მდივანთან ერთად ლეზულობს დელეგატებს პროვინციებიდან, ფრონტებიდან, წარმოებებიდან. დროგამოშვებით მუსიკით, დაფებით სახლთან მიდიან დემონსტრაციები—ფრონტზე მიმავალი კოლონები. ისინი მოითხოვენ, აჩვენონ პეპე (ხოზე). იგი უბრალოდ გამოდის აივანზე და უცებ იღიმება ახალგაზრდა, გამომწვევი, ყოვლისმძლეველი ღმილით, რისაგანაც ყველას რწმენითა და სიხარულით ევსება გული.

სალამოთი, შვიდი საათისთვის, სხვადასხვა ადგილიდან თავს იყრიან პოლიტიუროს წევრები. ყველანი პეპეს კაბინეტში სხედან, უზიარებენ ერთმანეთს დღის ახალ ამბებს, ერთად კითხულობენ სალამოს გაზეთებს, არჩევენ და სწყვეტენ საკითხებს. მეზობელ ოთახში ისინი ერთად ვახშობენ, ყოველთვის ეპატიყებიან მაგიდაზე ჩამოსულებს ან ვინმეს მეთაურთაგან. შემდეგ განაგრძობენ მუშაობას გვიან ღამემდე, როდესაც ძალით გზავნიან ერთმანეთს ზილ რობლესის სალონში. იქ, რბილ ავეჯს შორის, დგას ჯარისკაცის ოთხი ვიწრო საწოლი ხანმოკლე ძილისათვის.

ესპანეთის პარტიის ხელმძღვანელობა ახალგაზრდაა, როგორც თვითონ პარტია, რომელიც ახლახან გადაიქცა მასობრივ პროლეტარულ პარტიად. პარტია ჩამოყალიბდა გზადაგზა, ფაშიზმთან ბრძოლაში, ბრძოლაში ტროცკისტულ ზროვასთან, რომელიც აქ ერთ დროს ტონს იძლეოდა, ანარქისტული თავაშვებულობის მატარებლებთან და სექტანტურ ილუზიებთან ბრძოლაში. ახალი პოლიტი-

ბიურო შესდგება მთლად პროლეტარებისაგან, ნაცად რევოლუციონერებისაგან, რომელნიც დიდის პოპულარობით სარგებლობენ მუშათა მასებში, საუცხოო პროპაგანდისტებისა და ორატორებისაგან. ამასთან აქ, ამ ერთ მუჭა ხალხში წარმოდგენილია სხვადასხვა ხასიათი და ტემპერამენტი, სხვადასხვა ინდივიდუალობა, ესპანეთის სხვადასხვა კუთხის ხალხური ტიპები.

ვისენტე ურიბე, პატარა ტანის მუშა-კალატოზი, ბასკია. იგი კარგად ნაკითხია, ბევრს მუშაობდა პროლეტარული რევოლუციის თეორიისა და ესპანეთის ეკონომიკის საკითხებზე, განსაკუთრებით აგრარულ პრობლემაზე. ურთიერთობაში სიჩუმის მოყვარულია, ოდნავ მშრალი, ზოგჯერ მენტორულად ზვიადიც. ამასთან იგი დიკვირვებული ორგანიზატორია, გაბედული და მტკიცე ადამიანი, კარგი ამხანაგი. ჩემს მიმართ მან ერთბაშად დიდი საქმიანი ყურადღება გამოიჩინა. დახარჯა დრო, რათა დავეკმაყოფილებინე ადამიანებთან, ორგანიზაციებთან, საწარმოებთან, აგროვებს ცნობებს, ფაქტებს, ციფრებს... ამჟამად იგი კავშირისათვის წარგზავნილია სამხედრო სამინისტროში.

ხესუს ერნანდესი მალალი, მხარბეჭიანი ვაჟკაცია. მებრძოლი შეხედულებისა, ქილვაშებით, როგორსაც ტორეროები ატარებენ. უადგილოა ამ სახეზე სათვალეები, მაგრამ სათვალეებშიაც იგი, ეტყობა, ყოველთვის მზად არის საფუძვლიანად წაუთაქოს ყველას, ვინც მოისურვებს თავზე მოახვიოს თავისი წესები მადრიდის რომელიმე მუშურ გარეუბანს. აცვია ლურჯი მონოსი, არტყია ჯარისკაცის სარტყელი რევოლვერით, სახელოები შეკეცილი აქვს იდაყვის ზემოთ. იგი საუკეთესო მასობრივი მომუშავეა, ორატორი, მქუხარე ხმის პატრონი. პოპულარული ჟურნალისტი და „მუნდო ობრერო“-ს დირექტორია (რედაქტორი).

პედრო რეკა, თხელი, ძალზე გამხდარი, მეტად ფერმკრთალი, ცენტრალური კომიტეტის მეორე მდივანია, მისი შეუჩერებლად მომქმედი საორგანიზაციო ხრახნი. რობლესისეულ სახლში მას აქვს პატარა ოთახი მემანქანეთა და მოანგარიშეთა გვერდით. ამ ოთახში განუწყვეტელი მუშაობაა დღელამის განმავლობაში, იქ სწყდება ყველაფერი: კავშირი მადრიდსა და საოლქო ორგანიზაციებთან სამხედრო საქმეები, ავტომობილების რემონტი, მანდატებისა და მოწმობების გაცემა, პროვოკატორებთან ანგარიშის გასწორება, ფურცლების ბეჭდვა, პარტიის წევრთა მიღება და გარიცხვა, კრებებისა და მიტინგების მოწვევა. ყოველთვის დაღლილი და ყოველთვის დაუღალავი, ნელი ხმით ოდნავი ღიმილით იძლევა პედრო

რეკა დავალებებსა და განკარგულებებს მთელი ღამის განმავლობაში.

ანტონიო მიხე, მხიარული, მრგვალსახიანი ანდალუზიელი, მოდის ყოველთვის პატარა პორთფელით, ყოველთვის დაგვიანებით, ისე რომ ყოველგვარი სხდომა, რომელშიაც მონაწილეობას იღებს მიხე, იწყება საყოველთაო უკმაყოფილებით მისი დაგვიანების გამო. მაგრამ მოსვლისთანავე, დაამშვიდებს რა კრებას მნიშვნელოვანი და საინტერესო ახალი ამბებით, იგი იპყრობს საყოველთაო ყურადღებას, აკეთებს მოხსენებას ყველაფერზე დაწვრილებით და აზრიანად. პარტია იყენებს მას პროფკავშირულ, სამეურნეო საკითხებზე. იგი პარტიის უცვლელი წარმომადგენელია ყველა მოლაპარაკებაში, საკონტაქტო კომიტეტებში, სამხედრო-სამრეწველო თათბირზე.

დოლორესის დასწრება განსაკუთრებულ ელფერს აძლევს პარტიული ხელმძღვანელობის წრეს. მას პოლიტიუროს მამაკაცურ, მკაცრ, ზოგჯერ ხაზგასმით საქმიან ატმოსფერაში შეაქვს სითბო, გულმხიარულობა, ჰუმორი ან აღგზნებული გულისწყრომა, გაათრება, განსაკუთრებული შეურიგებლობა კომპრომისებთან. იგი მოდის საზეიმოდ განწყობილი, მხიარული, ეშმაკური ღიმილით, მორთული, მიუხედავად თავისი ყოველთვის შავი კაბის უბრალოებისა, ჯდება, აწყობს ხელებს მაგიდაზე, ოდნავ ხრის დიდ ღამაზე თავს და ჩუმად უსმენს ლაპარაკს. ან კიდევ უზომოდ დაღლილი, რითიმე დამწუხრებული, ნაწყენი, გაქვავებული, დაბერებული სახით, იგი მძიმედ ეშვება სკამზე კარებთან, კუთხეში, და კვლავ სდუმს. მერე უცებ შეიჭრება სხვის სიტყვაში, და მაშინ უნაყოფოა შეწყვეტა, ვიდრე არ გადმოიღვრება მთლიანი, გრძელი, სულმოუთქმელი ტირადა — მხიარული, სასაცილო, გონებაშეშლილი, მოზეიმე ან მოღუშული, მრისხანე, თითქმის მოქვეითნე, აღსავსე დამწუხრებული საყვედურებით, ბრალდებებით, პროტესტებითა და მუქარით. მორიგი აშკარა ან ფარული მტრის წინააღმდეგ, ბიუროკრატის, მესაბოტაჟეს წინააღმდეგ, რომელმაც ჩაშალა იარაღის ან საკვების მიწოდება მილიციელთათვის, აწყენინა მუშებს, ეწევა ინტრიგებს პარტიის წინააღმდეგ ან მის შიგნით.

ხოზეს პოლიტიუროს წევრთა შორის, ისევე, როგორც მთელს პარტიაში, აქვს რაღაც არაჩვეულებრივად ბუნებრივი, ორგანული ავტორიტეტი, განსაკუთრებით ხაზგასმული მისი ამდენივე არაჩვეულებრივი უბრალოებით. სხდომების დროს, მეტად გაცხოველებული სხდომის დროსაც კი, იგი ძალზე ცოტას ლაპარაკობს, თითქოს ერიდება კიდევ გამოსვლას, გარდა იმ შემთხვევებისა,



როდესაც სწორი გადაწყვეტილების მიღება შეუძლებელია მის ჩაურევლად.

გულუბრყვილობა იქნება ჩავთვალთ მისი უბრალოება და გულკეთილობა უწყინარობად: სრულიად მშვიდობიანი ლაპარაკის მსვლელობაში იგი უცხად ჩაურთავს ხოლმე ვისიმეს ძუნწ დახასიათებას, მოკლეს და მომაკვდინებელს, ისეთს, როგორცაა მახვილის ჩაცემა. მისი ზრდილობიანად გამოთქმული საყვედურისგანაც კი ადამიანები ფითრდებიან, იბნევიან, მიდიან ბევრად უფრო დაძმარებულნი, ვიდრე გრძელი, მყვირალა, ლანძღვა-გინების შემდეგ, რაც ასე ხშირია ესპანეთში საქმიანი ურთიერთობის დროსაც კი.

ყველას უნდა გააკეთოს პეპე დიასისათვის რაიმე სასიამოვნო, არა იმიტომ, რომ დაიმსახუროს მისი მადლობა, არამედ უბრალოდ, რომ გაახაროს იგი, დაინახოს მისი ღიმილი, თუნდაც თავის კმაყოფილებით ჩაქნევა...

ზოგჯერ საუბრის ან გახურებული სხდომის დროს, მას მოერევა საშინელი დაღლილობა, — ან იქნება ეს მისი ავადმყოფობის შეტევაა. მაშინ იგი უცნაურად იქცევა: გადის კაბინეტიდან, დასეირნობს მარტო კორიდორებში, შედის კანცელარიაში, ცარიელ არქივში, ათვალეირებს გაზეთების შეკრულ დასტებს, იატაკზე დეყრილ ნამწვავებს, ჩადის კიბეზე ეზოში, უყურებს, როგორ სწმენდენ კართოფილს, გადის ჭიშკარში, შესავალთან, და დგას თხუთმეტ წუთს შოფერებსა და მანქანებს შორის. ამხანაგები თავს იკატუნებენ, თითქოს ვერ ამჩნევენ, აკეთებენ თავიანთ საქმეს. დასძლევს რა ტკივილს, იგი ბრუნდება კაბინეტში და უერთდება ლაპარაკს.

ყურადღებით ჩუმად ისმენენ ტროცკისტ-ზინოვიეველ ტერორისტთა პროცესის ანგარიშს, რომელსაც ხესუს ერნანდესი დინჯად კითხულობს „ფაბრის“ სატელეგრაფო სააგენტოს ბიულეტენების მიხედვით. ადგილები კამენევის დაკითხვიდან აღშფოთებას იწვევენ. დოლორესი მაგიდიდან დგება და იძახის: „ჩვენ კი აქ მათ ვებოდიშებით!“ ურიბე ნელა ამბობს: „სახრჩობელაზე!“ დიასი, მაგიდაზე წახრილი, თავით ხელებზე დაყრდნობილი, მოითხოვს განაგრძონ კითხვა. ხესუსი ამთავრებს ბიულეტენის კითხვას და გამაყრუებელი ხმით იწყებს ზინოვიევის ბანდის განადგურებას. დიასი აწყვეტინებს:

— აი, სწორედ ეგ, ლაპარაკის ნაცვლად, დასწერე, მაშინ მარტო ჩვენ როდი მოვისმენთ. ნუ დაგავიწყდება ჩვენი საკუთარი ტკივილებიც...

## 17 ოქტომბერი.

ცენტრალურ კომიტეტში მისვლისთანავე ისე დამიწყეს ხვევნა, რომ კინალამ დამახრჩეს. პედრო ჩეკამ, ყველაზე თავდაჭერილმა, წამოიძახა: „ასეთ სიხარულს არ მოველოდით!“ ეს უკვე მეტი-მეტი იყო... მაგრამ, როდესაც ხოსე დიასმა გაბრწყინებული თვალებით დასძინა: „ჩვენთვის საშიში არაფერია ქვეყანაზე“-ო, მივხვდი, რომ სიხარული სრულიადაც არ იყო გამოწვეული ჩემი მისვლით.

აღმოჩნდა, რომ გუშინ დიასის სახელზე მიუღიათ დეპეშა სტალინისაგან, ესპანეთის კომუნისტური პარტიის ცენტრალური პარტიის ცენტრალური კომიტეტის მისალმების საპასუხოდ.

აი დეპეშა:

„მადრიდი.

ესპანეთის კომუნისტური პარტიის ცენტრალურ კომიტეტს — ამხანაგ ხოზე დიასს.

საბჭოთა კავშირის მშრომელები მხოლოდ თავიანთ მოვალეობას იხდიან, როცა შეძლებისდაგვარად დახმარებას უწევენ ესპანეთის რევოლუციურ მასებს. ისინი ანგარიშს აძლევენ თავიანთ თავს იმაში, რომ ესპანეთის განთავისუფლება ფაშისტ რეაქციონერთა ჩავგრისაგან არ არის ესპანელთა კერძო საქმე, არამედ მთელი მოწინავე და პროგრესიული კაცობრიობის საერთო საქმეა.

ძმური სალამი!

ი. სტალინი“.

იგი უკვე გამოქვეყნდა გუშინ საღამოს „მუნდო ობრერო“-ში და დღეს დილით გამოქვეყნებულია მადრიდის ყველა გაზეთში. მან უდრდესი შთაბეჭდილება მოახდინა. პარტიის ხელმძღვანელობას ულოცავენ.

ც. კ.-ის წევრები უპასუხებენ ყველას, რომ ეს დეპეშა შინა-არსითაც და თავისი აზრითაც მიმართულია მთელი ესპანეთის ხალხისადმი, ფაშიზმის წინააღმდეგ ყველა მებრძოლისადმი.

ძნელია გაიხსენო სხვა მომენტი, როდესაც ხალხი, მთავრობა, ჯარი ასე საჭიროებდნენ გამხნეების ამ სიტყვას. ატმოსფერა შეიკუმშა იმდენად არა სამხედრო მარცხების გამო, რამდენადაც იმის გამო, რომ ცნობები საზღვარგარეთიდან ცხადყოფდნენ რესპუბლიკური ესპანეთის თითქმის სრულ იზოლაციას.

ხალხმა ღრმა მარტოობაში იგრძნო თავი, ამან დააღონა იგი, სიმწარით აღავსო.

და ასეთ მომენტში, მტკიცე მეგობრობითა და გამხსნელებით აღსავსე სიტყვები, მაგარი ვაჟკაციური ხელის ჩამორთმევა, იმ ხელისა, რომელსაც უჭირავს მძლავრი საბჭოთა ხომალდის საჭე!

მთელი დანარჩენი დღე ქალაქში სიარულს მოვანდომე, ვიყავი ქარხნებში, მეხუთე პოლკში, მწერალთა „ალიანსში“, ანარქისტებთან, სოციალისტურ პროფკავშირებში. სტალინის დეპეშა ლაპარაკის საერთო თემაა, ყველგან ადგენენ საპასუხო დეპეშებს, წერილებს, რეზოლუციებს, მისაღმებებს, მადლობას.

მეტროსა და ტრამვაის მუშებს გასაჩერებლებზე და ვაგონებზე სტალინის პორტრეტები გამოუფენიათ.

და თვითონ მეც, დავდიოდი რა მადრიდის შეშფოთებულ ქუჩებში, უფრო მეტად დაკავშირებულად ვიგრძენი თავი ამ ხალხის ბრძოლასთან, ვიგრძენი თავი წვეთად თანაგრძნობისა და სოლიდარობის იმ ტალღისა, რომელმაც მოაღწია აქ შორიდან, ჩემი მშობლიური ხალხისაგან, ჩემი მშობლიური სტალინისაგან.

...მთავრობის გადაწყვეტილებით და სამხედრო მინისტრის ბრძანებით, შექმნილია არმიის კომისართა ინსტიტუტი, რომლის სათავეში იქნება გენერალური სამხედრო კომისარიატი. გენერალურ კომისარად დაინიშნა ხულიო ალვარეს დელ ვაიო. მის მოადგილეებად — კრესენსიანო ბილბაო (სოციალისტი), ანტონიო მიხე (კომუნისტი), ანხელ პესტანია (სინდიკალისტი), როლდანი (ანარქისტი), პრეტელი (სოციალისტი, მუშათა საყოველთაო კავშირის მეორე მდივანი).

კომისარიატის მიზანია: „გაუწიოს სოციალურ-პოლიტიკური ხასიათის კონტროლი ჯარისკაცებს, მილიციის მოლაშქრეებს და რესპუბლიკის სამსახურში მყოფ სხვა შეიარაღებულ ძალებს მიაღწიოს კოორდინაციას სამხედრო სარდლობასა და მეტროპოლ მასებს შორის, რაც მიმართული იქნება აღნიშნული ძალების შესაძლებლობათა უკეთ გამოყენებისაკენ“.

## 18 ოქტომბერი.

აი როგორ გამოიყურებოდა ახალი ფილმის პრემიერა 1936 წლის ოქტომბერს მადრიდში:

„კაპიტალის“ ფრონტონზე შექსხივიანი წარწერაა: „განათლების სამინისტრო, კულტურული პროპაგანდის განყოფილება“. შესავალში გავლა შეუძლებელია. ხალხის გროვაში უმწეოდ გაქედოლან ათეული ავტომობილები. ფარნის ბოძებზე ამთავრებენ აქრელებული პლაკატების გაკვრას. დროგამოშვებით მუსიკა შეხვედრას უკრავს. მისაღმების შეძახილები და ტაში გრიალებს კალიი-

ოს მოედანზე. ხალხმა მიიწ-მოიწია და გზას მისცა მთავრობის წევრებს, რესპუბლიკური პარტიების ლიდერებს, პოპულარულ დეპუტატებს.

— ვივა ასანია!.. ვივა პრიეტო!.. ვივა დოლორეს!.. ვივა რუსია!..

ახალგაზრდა მინისტრი ხესუს ერნანდესი, ახლა უკვე პიჯაკით და ყელსახვევიანი პერანგით, მასპინძლის როლში უხვდება სტუმრებს ვესტიბულში. განათლების სამინისტრომვე იკისრა პოლიტიკურ-განმანათლებელი მუშაობის ფუნქციები ფრონტზე და ზურგში.

პატარა ფოიეში, დირექტორის ლოჯის უკან, მანუელ ასანია ესაუბრება ხირალს და ბასკ მინისტრს ირუხოს. შემდეგ ჩუმდება და ეძლევა თავის ფიქრებს.

ამ თვეებმა იგი საგრძნობლად დააბერეს. უფრო მკვეთრი, წაწვეტებული გახდა მისი მორგვალებული, რბილი, ოდნავ ქალური სახის ნაკვეთები... ასანია, ანტიმილიტარისტმა, რესპუბლიკის პირველ სამხედრო მინისტრად გახდომისას, შეამცირა არმია და თავისი ცნობილი დეკრეტით დაითხოვა რვა ათასი ოფიცერი. გარედანაო, — მსჯელობდა ასანია, — ესპანეთს არაფერი არ ემუქრება. ჩვენი ქვეყნის შიგნით კი ოფიცერთა უზარმაზარი ხროვა ნთქავს სახელმწიფო ბიუჯეტს და ამასთან მუდმივად რჩება მონარქისტული რესტავრაციის ბაზად. ასანია მართალი იყო, მაგრამ მან საქმე ბოლომდე არ მიიყვანა. რეაქციამ სწრაფად წამოჰყო თავი აპარილის რესპუბლიკაში... ასანია და მისმა მეგობრებმა, რომელნიც ძალაუფლებას ჩამოაშორეს, გარდაქმნეს თავიანთი პარტია, დაუახლოვდნენ ქალაქის წვრილ ბურჟუაზიას, საშუალო გლეხობას. მაგრამ ახლა სხვაგვარად შეტრიალდა ესპანეთისათვის ომისა და მშვიდობიანობის საკითხები.

პრეზიდენტი და მინისტრები ლოჯაში შედიან. უზარმაზარი ამფითეატრი ოვაციას უმართავს მათ.

ნელა ჰქრება სინათლე. სიმფონიური ორკესტრი სევდიან პრელუდიას უკრავს. შემდეგ ფარდა გადაიშლება, და აუჩქარებლად მიცურავენ ფილმის პირველი სცენები. განათლების სამინისტრომ ეს კინო-პიესა მიუძღვნა იმ ესპანელ მეზღვაურთა ხსოვნას, რომელნიც დაიღუპნენ სამშობლოსა და რესპუბლიკისათვის. ფილმში ნაჩვენები არიან მეზღვაურები. მაგრამ ზღვა, პეიზაჟი ესპანური როდია. მოტორიანი ნავი მიაქროლებს ჭაღარა კაცს დედა-ქალაქის სანაპიროდან ბალტიის ზღვის მკაცრ სივრცისკენ. როგორ შეხვდებიან მას იქ, კუნძულ-სიმაგრეზე, მეზღვაურთა რევოლუციურ, მაგრამ ჯერ კიდევ არაორგანიზებულ წრეში?



შემოდგომის ქარი მძვინვარებს ბალტიკაზე. მტაცებლების ხროვა თავს იყრის, რათა სჯიჯგნოს დიდი და, როგორც მათ ჰგონიათ, მომაკვდავი ქალაქი. უნდა მოიკრიბონ მთელი ძალა მის დასაცავად, წაიყვანონ ბრძოლაში ყველა მებრძოლი, უკანასკნელამდე. წაყვანა კი არც ისე ადვილია. მათ დაივიწყეს დისციპლინა, ემდურებიან სიძნელებებს, ხმაურობენ, ერთობიან.

მოხულივნო ძმაბიჭები ჩასცივებიან ახალგაზრდა მწუხარე ქალს, უკმეხად უყვირიან:

— სინიორიტა!..

წითელარმიელები დაიხსნიან ქალს. ეს აღუძრავს თავგასულ ანარქისტ მეზღვაურს გაბოროტებას უბრალო და დისციპლინირებული ქვეითი ჯარის წინააღმდეგ.

კომისარი თამამად შეიჭრება მეზღვაურთა შუაგულში. უფორმო, აბობოქრებულ, მაგრამ რევოლუციურად და კლასობრივად გულხმიერ მასისაგან იგი ჰქმნის მებრძოლ რაზმს, რომელიც მამაცურად ებრძვის თეთრებს. გუშინდელი ხულიგანი და დეზორგანიზატორი მონაწილეობას იღებს ამ ბრძოლაში, იგი გარდაიქმნება... აი რუსი ფაშისტები გარს ერტყმიან მეზღვაურებს ორი მხრიდან. აი დასჯის შემადრწუნებელი სცენა...

აქ პირველად უყურებენ ვიშნევსკის ფილმს და მერე როგორ უყურებენ!

იგრძნობა, როგორ აღევენებს თვალს დარბაზი კრონშტადტის დრამას. ნახევარ სიბნელეში მოსჩანს, როგორ განიცდის იგი ამ დრამას... აგერ ახალგაზრდა მხედრების გადიდებული თვალები. ლოჟის მოაჯირს იქით მოსჩანს პრეზიდენტის ჩაფიქრებული პროფილი. სად არის სამხედრო მინისტრი, სად არიან დანარჩენები? ხესუსი სალონში გადის და აღელვებული ბრუნდება.

— ცუდი ამბებია. ილესკასი აღებულია! ჯარი უკან იხევს. მგონი, სესენიაც აღებულია.

მეზობელი მაყურებელი ეკრანს მიშტერებული მეკითხება:

— მითხარით, რამდენ კილომეტრზე არიან ისინი?

ვინ ისინი? იუდენიჩი თუ ფრანკო?

რამდენ კილომეტრზე საიდან — მადრიდიდან თუ პეტროგრადიდან?

ფრონტი უკვე იყო აქ, თვით მადრიდში, შემდეგ იგი უკუაგდეს ორმოცდაათ კილომეტრზე და მაგრა აკავებდნენ იქ სამ თვეს, აკავებენ ახლაც. და ამავე დროს ფაშისტურმა არმიამ ერთ თვეში

გართრა სამხრეთ-დასავლეთიდან სამასი კილომეტრი. იგი დედა-ქალაქის კარებს უკაკუნებს.

ინტერვენტების ავიაცია ყუმბარებს აყრის რესპუბლიკურ ნაწილებს, რწყავს ტყვიამფრქვევთა წვიმით, სწვავს, ანადგურებს მძიმე არტილერიით. საჭიროა უდიდესი დარაზმულობა, დისციპლინა, სიმამაცე, არაჩვეულებრივი სიმამაცე, აი ისეთი, როგორც აქვთ ამ კრონშტადტელ მეზღვაურებს და პეტროგრადის პროლეტარებს. აღმოაჩნდება კი ყოველივე ეს მადრიდის ხალხს?

სახალხო მილიციის სახე დღე-დღეზე იცვლება. ცოტა კიდევ და რესპუბლიკა მიიღებს მშვენიერ მტკიცე ნაწილებს. მაგრამ გვიან ხომ არ არის? ხომ არ იქნება უკვე დაკარგული დედა-ქალაქი?

აღაშინებთ ეძებენ პასუხს ეკრანზე. ოვაციით ხვდებიან ისინი წითლების ყოველ წარმატებას, ნაღვლიანი დუმილით — თეთრგვარდიელთა ყოველ შემოტევას. მესმის დარბაზში ტირილი, მესმის ამასთანავე მოზეიმე გამარჯვების სიხარული.

ჯერ კიდევ არ ვიცით მადრიდის ბედი. მაგრამ ვიცით დასასრული შესანიშნავი ფილმისა კრონშტადტის მეზღვაურებზე. არავის არ უშველია საბჭოთა ხალხისათვის მის სამკედრო-სასიცოცხლო ბრძოლაში რუსეთისა და მსოფლიო ბურჟუაზიასთან. მან თვითონ უშველა თავის თავს, წითელმა მეზღვაურებმა — წითელ ქვეითა ჯარს, კომუნისტებმა — უპარტიოებს, ქალაქმა — სოფელს, ჩრდილოეთმა — სამხრეთს, დონბასმა — ცარიცინს, ცარიცინმა — მოსკოვს. და აქაც, ამჟამად, როდესაც მტრულ და გულცივ ნეიტრალურ გარემოცვაში ესპანეთის ხალხი იცავს თავის სიცოცხლესა და თავისუფლებას, როდესაც მხოლოდ ერთი მოძმე ხალხი უმაგრებს ზურგს შორიდან მის ბოროლურ და ფიზიკურ ძალებს, — მხოლოდ ერთ რამეს შეუძლიან იხსნას იგი და იხსნის კიდევ: დარაზმულობას, თვითორგანიზაციას და, რაც მთავარია, ყველაზე მთავარი, საკუთარი ძალების რწმენას. ეს მოხდება ადრე თუ გვიან, როგორიც არ უნდა იყოს მადრიდის ბედი...

კაშკაშა სინათლე ავსებს თეატრს, შეძახილი „ვივა რუსია“ იჭრება ინტერნაციონალისა და ესპანეთის რესპუბლიკური ჰიმნის მოზეიმე მელოდიებში.

### 25 ოქტომბერი.

ფაშისტებმა თავი მოუყარეს ძალებს. და დღეს კიდევ გადმოვიდნენ გადამწყვეტი იერიშით მთელს ფრონტზე მადრიდის გარშემო. რაზემელები მედგრად იცავენ თავს, მაგრამ მოწინააღმდეგე ან-

დღურებს ყოველივეს არტილერიის ცენტრალიზებული ცეცხლით, ტანკების იერიშით.

ტანკები პირველ ხანებში ველურ შიშსა ჰგვრიდნენ. ახლა რაზმელებმა იწყეს ნელნელა მიახლოება და ხელყუმბარების დაშენა. დიდი როლი ითამაშა ამაში ფილმმა „ჩვენ კრონშტადტიდან ვართ“. ნახეს რა იგი, ესპანელი კომკავშირელები ცდილობენ გაიმეორონ წითელარმიელთა გამირობა პეტროგრადთან. კომუნისტები და სოციალისტების ნაწილი მოითხოვენ ასენსიოს მოხსნას ცენტრალური ფრონტის სარდლობიდან. მას მიაწერენ იმ თეორიის ავტორობას, რომელიც ამ უკანასკნელ დღეებში სამხედრო სამინისტროსა და გენერალურ შტაბში დასერირობს: მადრიდის დაცვას სტრატეგიულად აზრი არა აქვსო, აქ შეიძლება ჩაეფლოს მთელი არმია; ბევრად უკეთესია, მივატოვოთ დედა-ქალაქი, არმია წავიდეს აღმოსავლეთისკენ, იქ გადაჯგუფდეს, შეივსოს, მოვიდეს წესრიგში და მხოლოდ მაშინ შემოართყას ალყა მადრიდს და დაამარცხოვს ფრანკო.

საიდუმლოდ იხილავენ მთავრობისა და უმნიშვნელოვანესი სახელმწიფო დაწესებულებების ევაკუაციის საკითხს. ევაკუაციის მომხრენი ამტკიცებენ, რომ უმჯობესია მოვახდინოთ იგი ახლა, წინასწარ, ვიდრე უკანასკნელ მომენტში, გაქცევის წესით. შინაგან საქმეთა მინისტრმა სხვების დაუკითხავად გამოაქვეყნა გაზეთებში თავისი განცხადება, რომ, ბოროტი ხმების მიუხედავად, მთავრობას განზრახული არა აქვს წავიდეს მადრიდიდან როდისმე და სადმეო.

უფრო და უფრო მწვავედება სურსათის საქმე. შეჩერებულია საბჭოთა კავშირიდან გამოგზავნილი პროდუქტების დარიგება. ეს პროდუქტები დაჯავშნულია, როგორც ხელუხლებელი მარაგი, ქალაქის მომარაგების შეწყვეტის შემთხვევისათვის.

ძალიან საშიში მდგომარეობაა წყლის მომარაგების საქმეში. მადრიდის წყალსაცავი შორს არის, მთაში, ლოსოია-ბუიტრაგოს რაიონში. ფაშისტების გარღვევა ან თუნდაც ქვემეხების დაშენა წყალსადენისთვის თითქმის მთლად უწყლოდ დასტოვებს დედა-ქალაქს

საღამოთი გასაცილებლად წავედი.

მადრიდის ფრონტისპირული ლამის სიბნელეში ძლივს მოვნახე სახლი და ცარიელი ავტობუსი სახლის შესავალთან. საჭიროა დარახუნება. ხელის ფარანი და დაკვირვებული თვალი უთვალთვალევენ კარის სარკმელში. არისტოკრატიული სახლის წყნარი ბაღი, ხოლო შიგნით, დახურულ კარებში, ბოლომდე ჩამოშვებულ ფარდებს



იქით, კაშკაშა სინათლე და გაცხოველება, გამგზავრების ფაცი-  
ფუცი.

ორმოცი კაცი მიემგზავრება მადრიდიდან გვიან ღამით.  
ფრონტზე კი არა. არც ვალენსიაში, არც ბარსელონაში.

ეს არის დელეგაცია მოსკოვში, შვიდი ნოემბრისათვის, ზეიმზე.

წარსულ წლებში ესპანეთის სახალხო დელეგაციებიც ესწრე-  
ბოდნენ ოქტომბრის ზეიმს. გამგზავრებას ისინი ახერხებდნენ ან  
საპოლიციო კანცელარიებში ხანგრძლივი სიარულისა და წვალების  
შედეგად, ან დიდი რისკით, საზღვრის არალეგალურად გადასვლის  
შემდეგ სხვისი პასპორტებით, კონსპირატიულად შეცვლილი მარ-  
შრუტით. ახლა საბჭოთა კავშირში მიმავალ მუშებს და გლეხებს  
რესპუბლიკის მთავრობამ მისცა დიპლომატიური პასპორტები. ელ-  
ჩები, მართლაც სრულუფლებიანი ელჩები! ხალხმა აირჩია ისინი  
მუშაობის დროს, ბრძოლის დროს, საამქროებსა და სანგრებში.

ანტონიო იერო მურიელი, წარმოშობით სალამანკელი, მებრძო-  
ლი ფრანსისკო გალანის კოლონიიდან, მეხუთე პოლკიდან. დაჭრი-  
ლია და დაჭრილთა მიერ არჩეულია დელეგატად ჰოსპიტალში. ხო-  
ლო დელეგაციამ აირჩია იგი თავის თავმჯდომარედ.

პაბლო ფერნანდეს აშიგო—მუშა-ჩამომსხმელი მადრიდის სამ-  
ხედრო ქარხნიდან, იერო მურიელზე ნაკლებად არ არის იგი შე-  
საფერი ორ ხალხს შორის მეგობრობის განსამტკიცებლად. ჯერ  
კიდევ ბავშვობაში ბიჭები აჯავრებდნენ: „გვითხარი, ვისი მეგო-  
ბარი (ამიგო) ხარ?“ პაბლო იბნეოდა პასუხში და ცხარობდა. მაგ-  
რამ თხუთმეტი წლიდან უკვე მტკიცე პასუხს იძლევა: „მე ვარ  
საბჭოთა კავშირის ამიგო. სხვა ამიგო ჩვენ ხალხს ჯერ არა ჰყავს“.

სამი ესპანელი გლეხი, რესპუბლიკელი, სოციალისტი და კო-  
მუნისტი, არა ნაკლებ ბრწყინვალე დიპლომატიურ კარიერას გაა-  
კეთებენ საბჭოთა კავშირში. ისინი აირჩიეს ფრონტის პირად მდე-  
ბარე სოფლებში, ოთხი-ხუთი კილომეტრის მანძილზე ცეცხლის  
ხაზიდან. ირჩევდნენ დიდხანს, დიდი კამათით, მკაცრი გარჩევით,  
ვიდრე არ აირჩიეს საუკეთესონი. ერთ-ერთ მათგანს, ალფრედ ლო-  
პეს სანჩეს, ტოლედოს პროვინციიდან, რუსეთში დიდის სიფრთხი-  
ლით უნდა მოექცნენ: თვალი რომ მოაშორონ და ერთის წუთით  
დასტოვონ საბჭოთა სოფელში, მერე ვეღარ იპოვნენ, ვეღარ გა-  
აჩვენებდნენ, იმდენად ჭავს იგი ჩვენს რუს კოლმეურნეს — ქერა, წითუ-  
რი, ცხვირაწეული, კეპით... ორმოცდახუთი წლისაა, მიაქვს დროშა  
სოფელ მასარაბროსისაგან საუკეთესო კოლმეურნეობისთვის იმათ-

ვან, რომელთა ნახვაც მოუხდება. ხალხს ჯერ კიდევ „სინორობით“ მიმართავს, მაგრამ მაშინვე ასწორებს „კამარადო“-თი.

მაგრამ, რა თქმა უნდა, მეტი წარმატება ექნებათ ქალებს. ენკარნასიონ სიერას ყურებას დაუწყებენ როგორც მუშა-მეთამბაქოეს და როგორც ხუთი ესპანელი შვილის დედას, როგორც ბურილიოს კოლონიის მებრძოლს და როგორც ამავე კოლონიის კომისარს.

მარია მინგეს ჰერესი მოსკოვს გაემგზავრება თავის ჯარისკაცურ შვეებულებაში. პირველ შვეებულებაში! სამოქალაქო ომის პირველ დღიდანვე მარია მინგესი ცეცხლის მოწინავე ხაზზეა. მოსკოვში გასაგზავნი ყველა კანდიდატურა შოიხსნა ბუიტრაგოს საბრძოლო უბანში მისი კანდიდატურის წინაშე. მებრძოლებმა მხურვალედ გააცილეს მარია მინგესი. ასევე გააცილეს კომკავშირელი ქალი, კარმენ სალვარო, „ვიქტორიას“ კოლონაში არჩეული.

ემილია პრეხარამ გალბარიატუს არავითარი ხარისხი, წოდება და საპატიო პროფესია არა აქვს. ერთი წოდება აქვს მხოლოდ: იგი დედაა ორი ესპანელისა, რომელნიც ფრონტზე იბრძვიან ფაშიზმის წინააღმდეგ. სავსებით საკმარისია...

დროა გამგზავრებისა. წამსვლელნი ამოწმებენ თავიანთ ჩემოდნებს—იქ აწყვია უბრალო და ამაღელვებელი საჩუქრები მოსკოვისათვის.

სინათლის აუნთებლად სხდებიან ავტობუსში. მათ აძლევენ მითითებებს გზის თაობაზე—ახლა უამისოდ არ შეიძლება. უკვე მიიპარებიან ზოგიერთები ალიკანტეს გზისაკენ. თუ მიაღწიეს და შეხვდნენ ავტობუსს, ეს დიპლომატიური პასპორტები, რბილად რომ ეტქვათ, სულ სხვა შთაბეჭდილებას მოახდენენ.

დაცვა? ისინი პროტესტს აცხადებენ:

— თითონ დავიცავთ თავს სხვებზე არა ნაკლებად.

უკანასკნელი მისალმებები, თავდაჭერილი შეძახილები, და ავტობუსი უცბად გაქრა, შთაინქთა სიბნელეში ადამიანებთან ერთად.

გავა რამდინიშე დღე და ისინი გამოჩნდებიან სინათლეზე, სიხარულით აღსავსე ხალხის უზარმაზარ მასებთან, საზეიმო დროშებსა და შუქურებს შორის. ისინი დაინახვენ თავისუფალ, ყოვლის შემცლე ხალხის გრანდიოზულ კოლონებს და მის უძლეველ არმიას. ვოროშილოვი გაიქროლებს ცხენზე წითელი დივიზიების წინ, ხოლო სტალინი გაუღიმებს მათ, ესპანელ დელეგატებს, გრანიტის ტრიბუნიდან.

მე შორს ვიქნები, მაგრამ შორიდან, ამჟამად ესპანური თვალეზით, მოსკოვის წითელ მოედანზე ჩავუკვირდები სოციალიზმის

დიად ქვეყანას, შის გამარჯვებათა ზეიმს, მთელი მსოფლიოს მუშათა სტუმრებს, საბჭოთა დემოკრატიას რომ ეწვივნენ, გმირული დასისხლიანებული ესპანელი ხალხის ორმოც წარგზავნილს

### 27 ოქტომბერი.

რაღაც მნიშვნელოვანი, რთული, რაღაც ღრმა პროცესი სწარმოებს ამჟამად უზარმაზარი ქალაქის წიაღში. მრცხვენია გამოფუტყდე თავს, რომ ვერ გავიგე, სახელდობრ—რა. მე ესპანელი არა ვარ, მაგრამ არ ვიცი, გავიგებდი, მოვიცავდი, ესპანელიც რომ ვყოფილიყავ. არ ვიცი, ესმით თუ არა მთავრობას და პოლიტიკურ ხელმძღვანელებს.

რაღაცა იბადება და რაღაცა კვდება.

კვდება თითქოს უმწეობისა და განწირულების შეგნება.

იბადება, მასების მოწინავე ფენებში მაინც, წინააღმდეგობის, მადრიდის დაცვის, მისი უვნებლობის, მისი ხელმძღვანელობის იდეა და ნებისყოფა.

განა იგი მხოლოდ დღეს იბადება? განა იგი ყოველთვის არ იყო, ეს იდეა მადრიდის თაშისმისაგან დაცვისა? განა მილიონჯერ არ არის გამეორებული გაზეთებში, მიტინგებზე, ეთერში, უზარმაზარ ტილოებზე, რომელნიც ქუჩების თავზეა გადაჭიმული: „ვერ შემოვლენ“, „შევიწარმინოთ მადრიდი, ან მოგკვდეთ!“

მაგრამ ამ ფორმულაში უფრო მეტად იგრძნობოდა მეორე, ვიდრე პირველი ნაწილი.

ტრაგიკულის გრძნობა არაჩვეულებრივად აქვს განვითარებული ესპანელს; იგი ნაციონალურია. ბიჭები ექვსი წლიდან ყოველ კვირა დღეს ხედავენ ძალღონით სავსე და გაშმაგებით აღტყინებული ექვსი ხარის და ზოგჯერ თვით ტოროს სიკვდილს. დამკრძალავი მალაზიები ყველაზე მდიდრული და მორთულია ქუჩებში. ფიქრი სიკვდილზე, თუმცა ღირსეულ, გმირულ, მაგრამ მაინც სიკვდილზე, მეტად ხშირად ესტუმრება ხოლმე ესპანელ მებრძოლს, იმასაც კი, ვინც მატერიალისტებში ირიცხება. ეს ფიქრი ეუფლება მის აზროვნებას, აიძულებს ჩაიდინოს ზოგჯერ თავალებული, ზოგჯერ კი გულუბრყვილო საქციელი.

ამ ფსიქოლოგიისაგან შეუძლია განკურნოს იგი მხოლოდ ხანგრძლივმა ყოფნამ ბრძოლაში, ცეცხლის ქვეშ. უბრალოდ რომ ვთქვათ, ომის ჩვეულებამ.

რაღაც მოლეკულარი ცვლილებები ხდება აქ. ჩემის აზრით, დიდი ცვლილებები. გრძნობენ თუ არა ამას ხელმძღვანელები, გე-

ნერლები, მეთაურები? ხომ არ სცდებიან ისინი ხალხის განწყობი-  
ლებებში, მის ბრძოლის უნარიანობაში? ან იქნებ მე ვცდები? რა  
იქნება, რომ ხალხი, ბრძოლისათვის მომწიფებული, დარჩეს უბელა-  
დებოდ, რომელნიც უკვე გადამწიფდნენ და დაღბნენ?

მძლავრი საარტილერიო ცეცხლისა და ავიაციის თანხლებით  
ფაშისტები მთელ დღეს მიიწევენ ტოლედოს გზით ხეტაფესაკენ,  
ესტრემადურის გზით ლეგანესაკენ. მათ ხელში ჩაიგდეს გუშინ სე-  
სენია და ტორეხონ დე ლა კალსადა. გვადარამაზე სიწყნარეა. და  
ყველგან—არაგონის, სამხრეთის, ჩრდილოეთის ფრონტებზე სიჩუ-  
მეა, სიწყნარე, ყველაფერი განაბულია და ელის მადრიდის ბედს.

ნაშუალამევს მიგელ მარტინესი გაემართა დერ ვალენსიის გზით,  
შემდეგ გადაუხვია მარჯვნივ, ვიწრო გზატკეცილზე, ჩინჩონისაკენ.  
ხეები ეშმაკებივით იჭრებოდნენ სიბნელიდან ავტომობილის ფარე-  
ბის ნათელ წრეში. საშიში იყო, რომ წინ მიმავალი მოტორისტი-  
გამძლოლი შეიჭრება ამ ხეებში და დაყვირებასაც ვერ მოასწრებს,  
ისე მოუღებს უკანიდან ბოლოს მანქანა. შენელება არ შეიძლება:  
მოტორისტი და შოფერი ერთად ატაცებული წყვილია.

ჩინჩონს იქით, დაბლობში, მარტინესმა საათს დახედა და გა-  
აჩერა მანქანაც და მოტოციკლიც. მიწა გარშემო, მთვარის შუქზე,  
თაბაშირისა იყო, ტალღოვანი, ვულკანურ მრგვალ კრატერებსა და  
ჰიკებში. უხეში, წვრილი ბუჩქნარი და მშრალი ამომწვარი ბალახი  
ძუნწად იზრდებოდნენ მასზე.

მეოთხედი საათის შემდეგ ციკადების წრუწუნში შორიდან მო-  
ისმა თანაბარი და წყნარი გუგუნი. შოფერი და მოტორისტი შე-  
ტორტმანდნენ, მიგელი იღიმებოდა. გზაზე გამოჩნდა მბჟუტავ  
ცეცხლთა ჯაჭვი. უფრო ახლოს გუგუნი გრიალად გადაიქცა, და  
ბოლოს გორაკიდან ტანკები გადმოგორდნენ. ერთი ასეული, მხო-  
ლოდ ერთი ასეული.

ავტომობილმა ფარები ჩაურთა — ტანკისტები იმ წამსვე გა-  
ჩერდნენ. ისინი ამ შოსეს მთლად უკაცურად სთვლიდნენ, არ მოე-  
ლოდნენ შეხვედრას. რამდენიმე ადამიანი წინ გამოვიდა. ისინი გა-  
მოელაპარაკნენ მიგელ მარტინესს და მხოლოდ ამის შემდეგ გადა-  
ეხვივნენ.

ტანკების ასეულმა გარს შემოუარა მძინარე ჩინჩონს. მაგრამ მე-  
ორე პატარა სოფელში ხალხმა გაიღვიძა, ყველანი გამოცვივდნენ  
ქუჩაში და აღფრთოვანებულნი ყვიროდნენ „ვივა!“.



# ქდასიკუხი მემკვიდრეობა

ვლ. შაიაკოვსკი

არაჩუქებრივი ამბავი, რომელიც  
შობის ჯერადი მათაჟოვსკის  
ზატხუღში, აგარაკზე

ასორმოცი მზე დაისში დნება,  
ივლისის კართან გორავს ზაფხული.  
იყო ალხი და  
პაპანაქება —  
აგარაკზე მაქვს მე ეს ნახული.  
პუშკინოს აღმართს რომ აჯდა კუხი —  
აკულოვის მთა სახელად ერქვა.  
ამ მთას ბოლოზე  
სოფელი უზის,  
გადაქცეული  
ყავრების ქერქად.

სოფელ გადაღმა  
მოსჩანდა ბუნდად  
ერთი ნაპრალი და ამ ადგილას  
მზე ეშვებოდა ყოველ დღე, მუდამ  
ნელა, ნამდვილად.  
და ხვალ  
ისევე,  
სხივების ელვა  
ზეცას აგლეჯდა  
სიბნელის რაზას.  
ამ საქციელმა  
მე გადამრია  
და გამაბრაზა.



და ერთხელ რისხვით დავიწყე ნგრევა.  
და ავაწვდინე ძახილი ცამდე:  
მზეო, გეყოფა აღმურში თრევა,  
დედამიწაზე ჩამოხტი,  
დადექ!  
„შე მუქთახორა! —  
შევძახე მნათობს, —  
ესათუთები ღრუბლის ნაკადებს,  
მე კი აქ ვიწვი, ზამთარში მათოვს,  
და მაინც ვხატავ და ვწერ პლაკატებს“.  
კვლავ დავუყვირე:  
ჰე, ოქროსშუბლავ,  
აქრობ დაისს და  
ანთებ ალიონს  
და უსაქმურად რომ ჰგორავ უბრად,  
სჯობია ჩემთან  
ჩაი დალიო.

რა ჩავიდინე!  
თვითონ ვურჩიე!  
დასალუპავი, ამქოლეთ ყველამ:  
სხივი-ნაბიჯი გადაუშლია  
და მოაბიჯებს  
მზე  
ჩემკენ ველად.  
ვმაღავ შიშსა და თან ვიმალები,  
მოვიპარები უკან თანდათან  
ბაღშია უკვე მისი თვალები  
და სახლსაც უკვე შემოანათა.  
სარკმელში,  
კარში,  
კედლების ბზარში  
მზიური მასა ელავს საშინლად;  
სულთქმა შეკვრია დაღალულს გზაში  
და ასაუბრდა ბანით მაშინვე:  
სინათლემ უცებ გადაბუგა წყნარი დაისი,  
და წარღვნის ცეცხლი ორგვლივ მოედო.  
შენ მეძახოდი?  
ჩაი დამისხი,

ჩქარა მურაბა, ჩემო პოეტო!  
მზესაც შევნიშნე თვალებზე ცვარი,  
ვშიშობ, ალმური ჭკუიდან მაკრთობს.  
შევბედე: „აი ღულს სამოვარი,  
მობრძანდით“ — ვკადრე  
უდიდეს მნათობს.  
ეს თავხედობა ხომ ჩამამწარა,  
ვნანობ,  
მაშინებს უზენაესი;  
ვზივარ მაგიდის ყურესთან წყნარად,  
ნეტავ არ მოხდეს რამ უარესი!  
მეფინებოდა უტკბეს სალამით  
დარბაისლობა,  
სხივი მნათობის,  
და მოკრძალება აქ მასლაათში  
გადამავიწყდა  
თანდათანობით.  
ხან ერთს შევებეთ,  
შეორეს მერე,  
ვუთხარ, რომ „როსტამ“ შემქმამოს ლამის.  
მზემ კი: ეხ, ძმაო!  
შენ შენთვის სწერე,  
გულს ნუ გაიტეხ,  
პოეტო, ამით.  
„შენ თუ გგონია,  
რომ ადვილია  
ჩემთვის ნათება?  
— მოდი და სცადე! —  
მე-კი მოვდივარ  
ყოველ დილიდან  
და ვფანტავ სხივებს მიწიდან ცამდე!“  
ასე ვილაყბეთ, ბინდი იმ ღლესა  
გაჰფანტა სხივმა აურ-ზაურით;  
უკვე „შენო“-ბით  
მივმართე მზესა,  
უკვე სავსებით გავშინაურდი.  
და რადგან ძმობას  
ის აღარ მალავს,

მზეც მეუბნება:

მხარზე დაეკარი მეგობარს ტორი,

„შენ და მე ახლა

ვართ ამხანაგი ორი.

წამო, პოეტო,

მღერით

და ფრენით

ამ დედამიწის ნაცრისფერ ნაგავს

მე დავეცემი მზიური ფრთებით,

შენ მოეფინე

ლექსების ჰანგად“.

ღამის და ჩრდილის

კოშკი მაღალი

მზეთა შაშხანის განგმირა ელვამ,

ლექსის და შუქის ზეალმაყალით,

სადაც კი მივწვდით, დაეკარით ყველგან!

ღამე იღლება,

თავს მიღებს ცაში;

ჩლუნგი, მძინარა

ეძლევა ძილსა,

უცებ და ძლიერ

ვთენდება მაშინ

და ჟღარუნდება ნათელი დღისა.

ნათება ყველგან,

ყოველ არეში,

სანამ არ მივწვდეთ დღეების ძირსა;

ნათება ყოველ მიზეზს გარეშე!

აი ლოზუნგი ჩემი და მზისა.

მთარგმნელი მიქელ პატარიძე

## ზამბასი

„ — ნეტავ, რისთვის არ ვუყვარდი  
ზავშეობის დროს არვის?  
ან რად მომკლეს და ცხოვრებას  
ველარ მოვესწარი?  
ახლა რატომ პალატებში.  
დამდგეს, შემიყვარეს,  
მეფის ასულს მიწოდებენ,  
ხოტბა დამაყარეს,  
არ იციან, ხან სად დამდგან,  
ხან რა უფრო მართობს;  
მითხარ, რისთვის, ძმაო ჩემო,  
მითხარ, მეფის ვარდო?“  
„ — მე არ ვიცი, დაო ჩემო!“ —  
ეტყვის მეფის ვარდი  
და მეგობარს მეწამულ თავს  
ძირს დაუხრის დარდით.  
ძირს დაუხრის თეთრ-კაბიანს.  
ზამბახს დაბლა დახრილს  
და ზამბახიც ატირდება,  
ცვარის ცრემლებს დაღვრის.  
ცრემლით ეტყვის: „რა ხანია.  
გვიყვარს ერთმანეთი,  
და არ მითქვამს, ძმაო ჩემო,  
დღემდე ჩემი ბედი:  
რომ გოგონა ვიყავ ქვეყნად,  
არა მინდვრის ვარდი,

რომ დედაჩემს მუდამ დიდი  
წვავდა რალაც დარდი.  
ცუგრუმელა გოგო მისთვის  
ვანათებლი მზედა;  
მიცქეროდა, მიცქეროდა  
და სტიროდა დედა.  
ქმაო ჩემო, ერთად-ერთო,  
არ ვიცოდი მაშინ,  
რატომ ვყავდი საგოდებლად  
დედას ჩვილი ბავშვი.  
მე ვხტოდი და ვთამაშობდი,  
ის ტიროდა ცრემლით...  
და ბოროტ პანს, ბოროტ ბატონს  
იგონებდა წყევლით.  
ასე მოკვდა... მე ბატონმა  
წამიყვანა მასთან,  
პალატებში ვიზრდებოდი  
გოგო ახალგაზრდა.  
უკანონო თუ ვიყავი,  
რა ვიცოდი მაშინ,  
თუ ბატონის შვილი ვიყავ  
მე პატარა ბავშვი.  
ერთხელ შორ გზას გაემგზავრა,  
მე დამტოვა შინა.  
მაშინ აღსდგა ხალხი წყევლით,  
დასწვა მისი ბინა,  
რატომ, ახლაც კი არ ვიცი.  
მოკვლით მე არ მომკლეს,  
მხოლოდ გრძელი ნაწნავები  
შემპრეს, შეამოკლეს.  
მღევნიდა და დამცინოდა  
ხალხი ყოველ კუთხით,  
თავზე ჩერები დამახურეს.  
მომაყარეს ფურთხი.  
ასე ვიყავ იმ ქვეყანად  
ტანჯვით, არა ლხენით;  
როგორ ადრე შემიმოკლეს  
სიყმაწვილის დღენი.  
მოკვდი. მიწას მიმაბარეს



და, ცივ ზამთრის გარდა,  
გაზაფხულზე დაბლა ველში  
ვიშლებოდი ვარდად.  
ვიშლებოდი თეთრ ყვავილად,  
როგორც თეთრი თოვლი,  
ბს მინდორი გავახარე,  
არც გამაჩნდა ტოლი.  
ზამთრით ქოხში არ მიშვებდა  
ხალხი... ღმერთო დიდო,  
გაზაფხულზე ჩემს ვარდობას  
დაჰხაროდნენ თითონ.  
კრთავდი ველს და გოგონები  
ეწვეოდნენ ამ ბაღს,  
თოვლის ვარდი დავკრიფოთო;  
მეძახოდნენ ზამბახს.  
ვიშლებოდი, ვყვავილობდი  
თავმომწონის ეშხით  
სათბურებში, დიდ ეწრებში  
და თეთრ სასახლეში.  
მითხარ, ძმაო, მეგობარო,  
მითხარ მეფის ვარდო,  
რისთვის უნდა ღმერთს ამ ქვეყნად  
ვარდად რომ ვიზარდო?  
იქნებ მისთვის, რომ ის ხალხი  
გავახარო ერთობ,  
ვინაც მომკლა მეც და დედაც?  
ღმერთო, სად ხარ, ღმერთო!"  
და ზამბახი ატირდება,  
მხოლოდ მეფის ვარდი  
ქალ-მეგობარს მეწამულ თავს  
ძირს დაუხრის დარდით.  
ძირს დაუხრის თეთრ-კაბიანს.  
ზამბახს დაბლა დახრილს  
და ზამბახი ატირდება  
ნამის ცრემლებს დაღვრის.

კიევი 1846

25 ივლისი

თარგმნა ირაკლი აბაშიძემ

მაიაკოვსკი თბილისში

I

მსოფლიო ომის წინ ოქტომბრის რევოლუციის აკენის დამრწევ ქალაქიდან რუსეთის ცენტრალურ ადგილებში ლიტერატურული გამოსვლების მოსაწყობად გაემართა რუს ფუტურისტთა ჯგუფი დავით ბურლუკის, ვასილ კამენსკის და ოცი წლის გლადიმერ მაიაკოვსკის შემადგენლობით.

სამეულმა მოიარა ხარკოვი, პოლტავა, ოდესა, კიშინიოვი, ნიკოლაევი, კიევი, ყაზანი და პენზა.

ქალაქ პენზაში მაიაკოვსკის აზრად მოუვიდა ტფილისში წამოსვლა. ვასილ კამენსკი მოგვითხრობს:

„...მუდმივი აყალმაყალითა და ჩხუბით ოდნავ მოღლილმა მაიაკოვსკიმ მტკიცე წინადადება მოგვცა:

— წავიდეთ, ყმაწვილებო ტფილისში, ეს ერთად-ერთი ქალაქია, ჩემი ქალაქი, სადაც არ მოხდება არავითარი უსიამოვნება, სადაც უყვართ პოეტები და იციან მათი ღირსეულად მიღება“<sup>1)</sup>.

თანამგზავრნი უსიტყვოდ დაეთანხმნენ მაიაკოვსკის.

1914 წლის 25 მარტს ჩამოვიდნენ ტფილისში და დაბინავდნენ, რუსთველის პროსპექტზე — „გრანდ ოტელში“.

„მაიაკოვსკი მაშინვე გაჰქრა, — სწერს თავის მოგონებაში კამენსკი, — და ნახევარი საათის შემდეგ მას თან მოჰყვა ქართველ ახალგაზრდების ჯგუფი. მაიაკოვსკი ეხვეოდა მათ, ჰკოცნიდა და ლაპარაკობდა ქართულად ისევე, როგორც რუსულად.

ჰკითხულობდა თავისი ბავშვობის მეგობრებს ქუთაისის გიმნაზიიდან, ბალღივით მხიარულებდა და რამდენჯერმე ლეკურის ცეკვაც კი სცადა.

<sup>1)</sup> „Юность Маяковского“, 1931, გვ. 51 — 52.

კითხულობდა თავის ლექსებს და ჩვენც გვაკითხებდა. ერთის სიტყვით, ცხადი იყო, რომ მაიაკოვსკი თავის სახლშია მძლე და მედგარ მეგობართა შორის.

აშკარად სჩანდა, რომ ფუტურისტული გამარჯვება ტფილისში ყოველმხრივ უზრუნველყოფილი იყო და არავითარ უსიამოვნებას აქ აღვილი არ ექნებოდა.

ასეც მოხდა.

როცა გააკრეს ყველგან მაიაკოვსკის კერესივით (კოფთასავით) ყვითელი აფიშები ჩვენი სადღესასწაულო გამოსვლის შესახებ, ახალგაზრდობის გრანდიოზული ჯგუფი დაგვდევდა და გაიძახოდა: „გაუმარჯოს პოეტებს“.

ქუჩის ეს სანახაობა დღესასწაულს, არაჩვეულებრივ მოვლენას ჰგავდა.

სურათი ამგვარი იყო: აჭრელებულ ტანისამოსში გამოწყობილი სამი პოეტი დასეირნობს გოლოვინის მზიან ქუჩაზე.

გარშემო კი წყალვარდნილი იყო ახალგაზრდობისა, გაზაფხულისა, სიმღერებისა და აღფრთოვანებული ხმებისა.

„ფუტურისტები ჩამოვიდნენ“, „ფუტურისტები სეირნობენ“, „ფუტურისტები ფორთოხალს სჭამენ“, „ფუტურისტები დაამტკიცებენ“, „გაუმარჯოს“.<sup>1)</sup>

მონარქიული ხელისუფლება დაფრთხა. პოლიცია ფეხზე დადგა. მთავრობის ოფიციალი ილაძლებოდა.

გაზ. „ტიფლისკი ლისტოკი“ ნერვული და აღშფოთებული სტილით სწერდა:

„25 მარტს პროსპექტზე უსაქმურთა ხროვა, უმთავრესად მონარქთაგან შემდგარი, დაჰყვებოდა სამ მეტად უცნაურად გამოწყობილ პირს. ერთი მათგანი ყვითელ კერესში იყო, მეორეს თავზე უცნაური რამ ეხურა, მესამეს პირისახე საღებავებით ჰქონდა შეთითხნილი. „ცირკი ჩამოსულაო, — ამბობდნენ ბრბოში, — ჯამბაზები დასეირნობენ რეკლამის შესაქმნელად“. ამ „სახელმოხვეჭილ მომავლის მქადაგებელთათვის“ სივიწროვეა თეატრში. ამიტომაც ისინი ყვითელი სამოსით გოლოვინის პროსპექტზე დასეირნობენ. დროა აიკრძალოს ეს სისაძაგლე“<sup>2)</sup>

ორი დღის შემდეგ ტფილისის სახელმწიფო ოპერის თეატრში მოეწყო რუს ფუტურისტთა გამოსვლა. საღამოს ერთ-ერთი დამსწრე, პოეტი სერგეი სპასკი იგონებს:

<sup>1)</sup> იქვე, გვ. 52 — 53.

<sup>2)</sup> გაზ. „Тифл. листок“-ი, 1914 წლის 27 მარტის ნომერი.

„დანიშნულ დროს გავეშურე თეატრისაკენ. ხალხის წინ ჩაიარა მაიაკოვსკიმ. ის ხელებს იქნევდა და ხალხს მიაჩვენებდა. მაიაკოვსკის მისდევდა ვიღაც გიმნაზიელი, მგონი, მისი ნათესავი. იგი ისე ზმამალლა ლაპარაკობდა, თითქოს პროსპექტი მისი საკუთარი ბინა ყოფილიყო.

სახელმწიფო ოპერის თეატრის ფარდის უკან მთელი დეკორაციები აელაგებინათ, უკან გაფენილი იყო თეთრი ტილო დიაპოზიტივების საჩვენებლად. გასწვრივ იდგა გრძელი მაგიდა და მასზე მარაოების მსგავსად ელაგა ფუტურისტების ქრელი გამოცემები. გვერდით ღია კათედრა იყო. კათედრაზე დირიჟორებისათვის — ჩოტების პიუპიტრი.

მაიაკოვსკი სცენაზე შეიჭრა, გვერდზე ჩაზნექილი ფესკით.

— ვეფხვია, ჩვენი ვეფხვია! — წარმოსთქვა მაშინვე აღტაცებულმა ბურლუკმა.

ფარდა ხმაურით აიწია. სცენაზე მაგიდას ფუტურისტები უსხდნენ.

ბურლუკმა პატარა პაუზის შემდეგ აიღო მაგიდიდან უზარმაზარი ზარი, გააყრუა დარბაზი მისი საეკლესიო ხმით და მერე სიტყვა მისცა მაიაკოვსკის.

მაიაკოვსკიმ დააგლო მაგიდაზე ფესკა და აშლილი თმის გაუსწორებლად ახტა გადასასვლელზე პიუპიტრით ხელში. ლაპარაკის დროს იგი მთელი ტანით ირხეოდა. მისი ხმა ფართოდ იშლებოდა დარბაზში.

— მოწყალეო ქალბატონებო და მოწყალეო ბატონებო! — წარმოსთქვა მან. — თქვენ აქ მოხვედით აყალმაყალისათვის. გაფრთხილებთ, აყალმაყალსა და აურზაურს აქ ადგილი არ ექნება.

მისი სიტყვა მონოლოგი არ იყო. მაიაკოვსკი ესაუბრებოდა აუდიტორიას. პასუხს აძლევდა ხალხის მიერ ნასროლ რეპლიკებს. საუბარი მიმდინარეობდა წინასწარ მოფიქრებული და შედგენილი გეგმის გარეშე. მისი სიტყვა ემყარებოდა მახვილ მოულოდნელ გამოთქმებს.

მაიაკოვსკი აუდიტორიის წინაშე კითხულობდა ლექსის ნიმუშებს და ამით დამსწრეთ აცნობდა ახალ პოეზიას... კითხულობდა ლექსებს ხან დარბაისლურად, ხან ამალელებლად, ხან ფართოდ გაჭიმავდა სიტყვებს ხმოვანთა საშუალებით, ხან მოაქცევდა მათ გამოთქმის მაგარ ფორმაში და ასე ახლიდა დარბაზს ლექსის ატროფებს.

იმ საღამოს მაიაკოვსკიმ წაიკითხა სევერიანინის „ტიანა“. ამ უბრალო პიესას იგი ტრაგედიის იერს აძლევდა. წაიკითხა ველი-მირ ზლებნიკოვის „სმეხაჩი“ და თავისი ლექსების მთელი სერია<sup>1)</sup> ვასილ კამენსკი გადაუჭარბებლად შენიშნავს:

„გავარვარებული აუდიტორია ყოველი ორი-სამი წამის შემდეგ იფეთქებდა ხოლმე, ანთებული აპლოდისმენტების დენტით“.<sup>2)</sup>

საოპერო თეატრში გამართულ საღამოს შემდეგ გამარჯვებით გახარებულნი და აღტაცებულნი დადიოდნენ ისინი სამიკიტნოებში, საყავეებში, ბაზრებში და კითხულობდნენ თავიანთ ლექსებს.

არა ერთხელ ესტუმრენ მამა-დავითის მთასაც, ფუნეკულიო-რის ზემო სადგურს. ერთი ასეთი ასვლის დროს მაიაკოვსკიმ გადა-ხედა მალლიდან მთების მიტინგს და სთქვა:

„აი ეს არის აუდიტორია. ამ მთის ესტრადიდან თამამად შეი-ძლება მსოფლიოს ელაპარაკო“.<sup>3)</sup>

ტფლისიდან ფუტურისტთა სამეული გაემგზავრა ჯერ ქუთაისს, შემდეგ კი რუსეთში.

## 2.

გაიარა ათმა წელმა.

ოქტომბრის სოციალისტური რევოლუციითა და ლენინის უკუ-დავი სახელით შთაგონებული მაიაკოვსკი 1924 წლის 29 აგვის-ტოს ჩამოვიდა საბჭოთა საქართველოს დედა-ქალაქ ტფილისში.

ამ ჩამოსვლას საბაბი მისცა შემდეგმა გარემოებამ:

ზამთრის სეზონის დასრულების შემდეგ რუსთაველის სახელო-ბის თეატრი დაუფიწყარ კოტე მარჯანიშვილთან ერთად მანგლის-ში ისვენებდა.

მხატვარი ირაკლი გამრეკელი იგონებს:

„მანგლისში დასასვენებლად ჩასულნი, გახურებულ შემოქმე-დებითს მუშაობას ვაწარმოებდით — ვამზადებდით შემოდგომისა-თვის ახალ დადგმებს. საღამოთი იწყებოდა ხოლმე გაცხოველებუ-ლი კამათი სარეპერტუარო როლების, სახის სწორი გახსნის, კონს-ტრუქტივიზმისა და რეალიზმის შესახებ.

კოტე მარჯანიშვილი ამ კამათში მხურვალე მონაწილეობას იღებდა. ჩვენ მაშინ არაფერი ვიცოდით მის გრანდიოზულ განზრა-

1) უფრ. „лит. совр“. 1935 წ., № 3, გვ. 210 — 211.

2) „Юность Маяковского“, გვ. 54.

3) იქვე, გვ. 54.



ხვაზე „მისტერია ბუფფის“ დადგმის შესახებ. ვიცილით მხოლოდ, რომ მან ეს პიესა მოსკოვიდან მიიღო, მგონი, თვითონ მაიაკოვსკისაგან და დიდხანს მუშაობდა მასზე.

ერთ საღამოს მარჯანიშვილმა გადაგვიშალა „მისტერია ბუფფის“ დადგმის თავისი გეგმა. პირველი ვარიანტით ეს პიესა უნდა დადგმულიყო მამადავითის მთაზე—ფუნქულორზე... კ. მარჯანიშვილი მაშინვე გაემართა ტფილის ადგილმდებარეობის დასათვალისწინებლად. მაგრამ, როცა დარწმუნდა, რომ ფუნქულორის ზემო პლატოზე დადგმის განხორციელება ძნელია, გადასწყვიტა პიესის დადგმა ფუნქულორის ქვემო სადგურთან, გორაზე. კოტე მარჯანიშვილმა „მისტერია ბუფფის“ გაფორმება მე დამავალა.<sup>1)</sup>

როგორც ეტყობა, კ. მარჯანიშვილმა აცნობა მაიაკოვსკის თავისი განზრახვა და სწორედ ამან გამოიწვია მისი ტფილისში ჩამოსვლა.

იმ ხანებში ტფილისში ჩამოყალიბებული იყო მწერალთა „მემარცხენე ჯგუფი“, რომელშიაც შედიოდნენ: სიმონ ჩიქოვანი, ნიკოლოზ შენგელაია, ბესარიონ ელენტი, ირაკლი გამრეკელი, ნიკოლოზ ჩაჩავა და სხვები. ჯგუფი თავს იყრიდა მწერალთა სასახლის ერთ-ერთ ოთახში.

„ვილაცამ ჩვენი წრიდან, — განაგრძობს მხატვარი ირაკლი გამრეკელი, — მაიაკოვსკი გამაცნო... მან მაგრა ჩამომართვა ხელი და გამიღიმა... ორი დღის შემდეგ ჩვენ წრეს ესტუმრა მაიაკოვსკი. წაგვიკითხა თავისი ლექსები. ჩვენ ყველამ ბევრი ვიდავეთ.

მაიაკოვსკი ძალიან გაიტაცა „მისტერია ბუფფის“ ლია ცის ქვეშ დადგმის იდეამ. იგი დაწვრილებით მეკითხებოდა მაკეტების შესახებ. აინტერესებდა ხარჯთ-აღრიცხვა.

ორი დღის შემდეგ კვლავ შეგვხვდა მაიაკოვსკის რუსთაველის პროსპექტზე, პატარა კაფეში. დავსხედით უკანა ოთახში და ვსაუბრობდით მისი პიესის დადგმაზე. ლაპარაკობდა უმთავრესად მაიაკოვსკი. იგი გამუდმებით ბოლთას სცემდა ოთახში უჯრედებიან შარვალში ხელებ-ჩაყოფილი.

დიდხანს ვერაფერი მოვისაზრეთ, თუ როგორ გაგვეფორმებინა „ჯოჯოხეთის“ სცენა. ვსდუმდით. მაიაკოვსკიმ უცებ გაიცინა და სთქვა:

— იქ ხომ პრიმუსია, ვეებერთელა ანთებული პრიმუსი და ტაფა. მოქმედებაც მასზე გაიშლება. გასაგებია ჯოჯოხეთი და ცოდვილები...

<sup>1)</sup> გაზ. „ზარია ვოსტოკა“, 1936 წ., № 9.

და მიაკოვსკიმ დაწერილებით ამიხსნა, როგორ და რისი გაკეთებაა საჭირო.

მახსოვს, მიაკოვსკიმ წინადადება შემოიტანა, რომ უკანასკნელი მოქმედება გაგვეფორმებინა ვებერთელა ფესაცმლის სახით. თასმის მაგიერ კიბე იქნებაო, — მიხსნიდა იგი. მისი აზრით, მოქმედებაც თანდათან აიწეოდა ქვევიდან ზევით და გაიშლებოდა ფესაცმლის თავზე<sup>1)</sup>

### 3.

გაზ. „კომუნისტის“ 1926 წლის 27 თებერვლის ნომერში დაბეჭდილმა ქრონიკამ ამცნო მკითხველთ: „ტფილისში ჩამოვიდა პოეტი ვლ. მიაკოვსკი“...

ქრონიკას გამორჩა დაემატებინა სიტყვა „გუშინ“, რადგან ამერიკიდან ახლად დაბრუნებული ვლ. მიაკოვსკი ტფილისში ჩამოვიდა აღნიშნული წლის 26 თებერვალს მოხსენებით „ჩემ მიერ ამერიკის აღმოჩენა“. „კომუნისტის“ რეპორტიორი სწერდა:

„მიაკოვსკი დიდი პოეტია და, მართლაც, ინტერესს არ არის მოკლებული, თუ როგორ გატარდა მის პოეტურ პრიზმაში ამერიკის სინამდვილე, რა აღმოაჩინა პოეტის მგრძნობიარე თვალმა და ყურმა ისეთი, რაც სხვებისთვის შეუმჩნეველი და ჩაუწვდომელი რჩება“<sup>2)</sup>

მოხსენების შემდეგ მიაკოვსკიმ წაიკითხა თავისი ლექსები ამერიკაზე, რომლებშიაც პოეტური ფიგურებით, მოხერხებული შედარებებით და სახეებით შორეული და უცნობი ქვეყანა მსმენელებისათვის მისაწვდომი და ადვილად საგრძნობი გახდა.

27 თებერვალს გაიმართა ვლ. მიაკოვსკის მეორე საღამო, რომელზედაც მან თავისი თავი „პოეტური გემოვნების დიქტატორად გამოაცხადა“.

### 4.

ერთი წლის შემდეგ 9 დეკემბერს მიაკოვსკი კვლავ ჩამოვიდა ტფილისში..

ამავე საღამოს რუსთაველის თეატრის საკონცერტო დარბაზში გაიმართა მიაკოვსკის საღამო. ორი დღის შემდეგ გაზ. „კომუნისტმა“ ასეთი ანგარიში მოათავსა ამ საღამოს შესახებ:

<sup>1)</sup> იქვე

<sup>2)</sup> გაზ. „კომუნისტი“, 1926 წ., № 97.

„მაიაკოვსკიმ თავისი ლექსების წაკითხვას წინასიტყვაობა წაუძღვარა. ჩვეულებრივი უბრალოებით გამოსთქვა აზრი მუსიკაზე, კინოზე და თეატრზე. გარკვეულად განაცხადა, რომ პოეზიაში მთავარი მნიშვნელობა აქვს არა პირად „ღვთაებრივ“ განცდებს, არამედ ყოველდღიური და არსებული სოციალური პირობების მოთხოვნილებების მხატვრულ დამუშავებას.

ასეთი გაგებით არის დაწერილი მისი უკანასკნელი პოემა „კარგია“, საიდანაც წაუკითხა ნაწყვეტები აუდიტორიას.

სალამოს მეორე ნახევარში უპასუხა იმ მრავალ შეკითხვას, რომლებიც მიიღო აუდიტორიიდან წერილების სახით. შეკითხვების მეტი ნაწილი სენსაციური ხასიათისა იყო. მხოლოდ რამდენიმე შეკითხვას გასცა მომხსენებელმა სერიოზული პასუხი.

ერთ-ერთ შეკითხვაზე: „რისთვის ვიბრძოდით“, პოეტმა წაიკითხა ახალი ლექსი ამავე სათაურით, სადაც ობიექტულური გაგება რევოლუციისა მხატვრული სტილით გამოამჟღავნა და აუდიტორიისათვის ნათელი გახადა რევოლუციის ამგვარი გაგების რეაქციური ბუნება.

დასასრულ, საზოგადოების თხოვნით წაიკითხა „მიმართვა სერგეი ესენინს“.

სალამოს მრავალი ხალხი დაესწრო<sup>1)</sup>

მეორე დღეს, 10 დეკემბერს, მაიაკოვსკიმ სალამო გამართა ტფილისის სახელმწიფო უნივერსიტეტში. სალამოს პირველ ნაწილში პოეტმა წაუკითხა სტუდენტებს თავისი ძველი და ახალი ლექსები, სხვათა შორის, „ამბავი, რომელიც შეემთხვა ვლადიმერ მაიაკოვსკის აგარაკზე ზაფხულში“, და განაცხადა, რომ ეს ნაწარმოებები გამონათავს ჩემს დამოკიდებულებას ლიტერატურისადმი. შექდეგ პოეტმა წაიკითხა: „წერილი მაქსიმ გორკისადმი“, „სევასტოპოლი და იალტა“, „ბებელის სახელობის ქარხნის ლუბხანა“.

„განსაკუთრებული აღტაცება, — სწერს გაზ. „კომუნისტი“, — გამოიწვია სდტუდენტებში რევოლ. ლექსმა „მარცხენა მარშმა“. სალამოს მეორე განყოფილებაში მაიაკოვსკიმ გამართა საუბარი სტუდენტებთან, გასცა პასუხი აუარებელ წერილობითს შეკითხვაზე.

კამათი გაგრძელდა ორ საათს.

დასასრულ, მაიაკოვსკიმ წაიკითხა თავისი ახალი პოემის „კარგია“ ნაწილი. სალამოს 2.000-დე სტუდენტი დაესწრო<sup>2)</sup>

1) გაზ. „კომუნისტი“, 1927 წ., № 281.

2) იქვე.

11 დეკემბერს რუსთაველის სახელობის თეატრში მოეწყო მაიაკოვსკის მეორე საღამო, რომელმაც უფრო მეტი ინტერესი და ხალისი გამოიწვია დამსწრეთა შორის, ვიდრე ამავე თეატრში გამართულმა პირველმა ლიტერატურულმა გამოსვლამ. მოხსენების თემად აღებული იყო: „თანამედროვე ყოფა“. მოხსენების გარშემო პოეტს უამრავი შეკითხვა მისცეს...

საღამოს დასასრულს მაიაკოვსკიმ წაიკითხა ლექსების მთელი სერია და ნაწყვეტი პოემიდან „კარგია“. ყველაზე აღფრთოვანებული შეხვდა აუდიტორია პოემის ნაწყვეტს — „საუბარი ბლოკთან“. სხვა ლექსებიდან აუდიტორიამ დიდი ყურადღებით მოისმინა და განსაკუთრებით მოიწონა „რისთვის ვიბრძოდით“ და „მარცხენა მარში“.

12 დეკემბერს მწერალთა სასახლეში საქ. პროლ. მწერალთა ასოციაციის ყველა სექციის გაერთიანებულ სხდომაზე ვ. მაიაკოვსკიმ გააკეთა მოხსენება თემაზე: „ლექსი და პოეტის ამოცანები“, ხოლო 13 დეკემბერს ცენტრალურ მუშათა კლუბში გაიმართა მისი საღამო. ეს საღამო აღსანიშნავია როგორც მაიაკოვსკის პირველი გამოსვლა ტფილისის მუშათა აუდიტორიაში.

ეს იყო მისი უკანასკნელი გამოსვლა ტფილისში.

---

## ღავით გურამიშვილის გედი

მირგოროდის მახლობლად, პატარა და დაჩაჩანაკებული სახლინ წინ მარტოდ-მარტო იჯდა მოხუცი. ეცვა სამხედრო იერის წითელ-საყელიანი გახუნებული მწვანე ხაფთანი. დანაოჭებული სახე-თხელი ქალარა თმის ჩარჩოში ჩასმული უზარმაზარი შუბლით, გზისკენ ჰქონდა მიქცეული. დაძაბულად გაიყურებოდნენ სიბერი-საგან დაუძღურებული თვალები.

აი მოისმა ზარის წკარუნი. ახლად აყვავებულ ხეებში გამოჩნდა მძიმე საფოსტო ეტლი. მოხუცი წამოდგა, სახეზე სიხარულმა გადაურბინა, მაგრამ მეეტლემ მაგრა გადაუჭირა შოლტი ცხენებს და ეტლმა რახა-რუხით ჩაუარა გვერდზე მოქცეულ ჭიშკარს. მოხუცმა წარბები შეიჭმუნა და, თუმცა ვერავის ვერ ხედავდა, სწრაფად მოიწმინდა თვალებზე მომდგარი ცრემლები.

„არ მომდის პასუხი“, — გაიფიქრა მწარედ. ალბათ, ბატონიშვილს მირიანს არა სცალიან მოხუც დავითისთვის. კიდევ რამდენხანს უნდა უცადოს პასუხს? ღირს კი? უკვე 83 წელი შეუსრულდა, მიიწურა დღეები. გული სტკივა: ეშინია, მისი ლექსები უქმად არ დაიკარგოს. როგორ უნდა ამ ლექსებმა მშობლიურ საქართველოს მი-აღწიონ. გამოგონებანი? განა ისინი სარგებლობას არ მოუტანენ ადამიანებს?

1787 წლის შემოდგომაზე მუდამ ღინჯი და წყნარი დავით გუ-რამიშვილი ძალზე აღელვებული გამოიყურებოდა. უკრაინის მშვი-ლობიან, მიყრუებულ სოფელ ზუბოვკაში სასიხარულო ამბავი მივიდა: პოეზიის მოსიყვარულე და ლექსის კარგი დამფასებელი, ერეკლე მეფის შვილი მირიანი დაინიშნა ელჩად ეკატერინე მეორის კარზე და პეტერბურგს მიემგზავრება. მოხუცმა გადასინჯა თავისი ლექსები და ამოარჩია ისინი, რომლებიც საუკეთესოდ მიაჩნდა. შეუდგა გადარჩეულის გადაწერას ღიდ რვეულში. უნდოდა ხელ-



ნაწერი ლამაზი გამოსულიყო: გულდასმით გამოჰყავდა ლექსების სათაურები და ყოველი ტაეპის პირველი სიტყვა. მაგრამ მალე მოიქანცა, ხელი აუკანკალდა, ბწკარები პირდაპირ აღარ მიიმართებოდნენ, ჯიუტად მიიწევდნენ ზემოთ ან ეშვებოდნენ ქვემოდ. იძულებული ხდებოდა შეეჩერებინა მუშაობა.

ახლოვდება ოქტომბერი. დაჰქროდნენ ყვითელი ფოთლები და ეს ქართლის შემოდგომას აგონებდა. ხელნაწერი მაინც დამთავრებული იყო. თავის შვილობილს, თავის საყვარელ ქმნილებას გურამშიშვილმა „დავითიანი“ უწოდა. ერთხელ კიდევ გადაიკითხა ხელნაწერი, აქა-იქ შეასწორა და ახალ ქალღმერთს გადაწერილი ბწკარები ძველ სტროფებს დააკრა. ხელნაწერის შესავალში ჩაურთო:

ამ ლექსთ თავი მოუყარე,  
საცა მეთქვა თვითო ობლად,  
აგების რომ ბრძანოს ვინმე  
სიტყვა ჩემთვის შესანდობლად.

ხელნაწერში 283 გვერდი იყო. უკანასკნელი გვერდის შემდეგ რვეულში ჩააკრა წყლის წისქვილისა და სარწყავ ნაგებობების რთული ნახაზები. დიდი ფურცლის შუა ადგილას გამოხატა თავისი თავი ზეაპყრობილი სახით და სალოცავად გადაჯვარედინებული ხელებით. მეორე მხარეზე მოათავსა თავის საოცარ გამოგონებათა აწერილობა, ხოლო ქვეშ რუსულად მიაწერა: „Порутчик князь Давид Гурамов“.

„დავითიანი“ ბატონიშვილ მირიანისთვის იყო დანიშნული: მის უასართობად პეტერბურგის დაუსრულებელ დამეებში. ხოლო თხოვნაში გურამიშვილი მოწინავეთ ევედრებოდა ბატონიშვილს: ეშუამდგომლა რუსეთის მთავრობის წინაშე — მიეცა მისთვის სესხად ორასი მანეთი და გაეგზავნა მასთან მანქანების საქმის მცოდნე კაცი გამოგონებათა შესამოწმებლად — გაეგზავნა თუ 1788 წლის მარტში არა, აპრილში მაინც. გურამიშვილი ჩქარობდა, ეშინოდა სიკვდილს არ დაესწრო.

რა მოხდა შემდეგ — არ ვიცი. ან კი ვინ გაუწოდებდა დახმარების ხელს სამშობლოს მოწყვეტილ პოეტს თვითმპყრობელურ რუსეთში? მოკვდა იგი მარტობაში, როგორც თვითვე იწინასწარ-

შეტყველა:

აღარ მსურს ქნარი, საკრავად სტვირი,  
არც ზედ დამღერა; აწ ამას ვსტირი:

ცრუმან საწუთრომ მარიდა პირი,  
არ აღმისრულა მან დანაპირი.

ვამე ცოდვილსა, მე უმადლოსა,  
დავრდომილობით უხუც-უმღვდლოსა!  
მე ვინ მილოცავს, ან ვინ მიწირავს,  
ან ვინ დამმარხავს, ვინ დამიტირავს?!

არავინ უწყის, სად არის დავით გურამიშვილის საფლავი. მაგრამ „დავითიანმა“, მისმა ამ ძვირფასმა ხელნაწერმა, ჩვენამდე მოაღწია. და დღეს მოწიწებით გვიჭირავს იგი ხელში, გულის ფანცქალით ვფურცლავთ მის მკვრივ გვერდებს და მადლობით ვიგონებთ დიდ ქართველ პოეტს, თითქმის ყველაზე თვალსაჩინო პოეტს შოთა რუსთაველის შემდეგ.

გურამიშვილმა იცოცხლა თითქმის მთელი მეთვრამეტე საუკუნის მანძილზე. ალბათ, მან მრავალი სიმწარე განიცადა, რაც ბედის ტრიალს შეუძლიან დაატეხდეს კაცს თავზე. მისმა მშობლიურმა ქვეყანამ, უცხოელთა შემოსევით გაწამებულმა და შინაურთა ბრძოლათანხმობით გაღატაკებულმა, უდიდესი ნაციონალური ტრავმით განიცადა. უკვე დიდი ხანი აღარ არსებობდა პოლიტიკური ერთიანობა რუსთაველის ეპოქაში ესოდენ ძლიერ საქართველოს სახელმწიფოსი. სისხლის ნიაღვრებით წალეკილ საქართველოს დამოუკიდებლობა თითქმის მთლად დაკარგული იყო. ქართლი და კახეთი ირანის შაჰების სათარეშოდ იყო გადაქცეული. აღმოსავლეთ საქართველოს მოწყვეტილი დასავლეთი საქართველო, თავის მხრივ, რამდენიმე წვრილ სამეფო-სამთავროდ იყო დანაწილებული. საქართველოს სამხრეთი ნაწილი თურქებმა მოსწყვიტეს. მთის ტომები თავიანთი მოულოდნელი თავდასხმით და აკლება-აწიოკებით მოსვენებას არ აძლევდნენ მშვიდობიან მოსახლეობას. ჩრდილოეთიდან რუსეთის იმპერატორებს უკვე გამოეშვირათ თავიანთი მტაცებლური ხელები. ქართველთა ბევრი ქალაქი გაცამტვერებული იყო, ვაჭრობა და ხელოსნობა ეცემოდა. ხალხი უზომო უბედურებას განიცდიდა.

ახალგაზრდა დავით გურამიშვილს, არაგვის წარმტაც ნაპირებზე აღზრდილს, ბედმა არგუნა გამხდარიყო საქართველოს ისტორიის ამ ტრაგიკულ მოვლენათა მნახველი. და აღმწერელი:

წალმა მბრუნავმა დრო-ყამმა  
უკულმა შექნა ტრიალი,  
ფრთა მოჰკრა ქართლსა, კახეთსა.

შეაქნევიან ხრტიალი;  
მამლები ტურამ დაჭამა,  
დედლები დარჩა ტიალი,  
მიდგა ყოვი და ყორანი,  
დანაწყებინა წკრტიალი.

პოეტის პირადი ბედი გასაოცარი და უაღრესად მძიმე აღმოჩნდა. ცხოვრების სიმწარე მან სიჭაბუკეშივე იგემა. გურამიშვილის ლექსებში გადმოცემულია შესანიშნავი ამბავი იმის შესახებ, თუ ერთ მშვენიერ დილას როგორ დაესხნენ მას თავს ქსნის ხეობაში ლეკები, როგორ დაატყვევეს და წაიყვანეს იგი მთაში, როგორ მოახერხა იქიდან გაქცევა, როგორ შეურთდა სამეფო ტახტიდან გაძევებულ და რუსეთში გადახვეწილ ვახტანგ მეექვსის ამალას. მაგრამ ვახტანგ მეექვსე უკვე მკვდარი იყო, საქართველოში დაბრუნება შეუძლებელი აღმოჩნდა და ახალგაზრდა პოეტი იძულებული გახდა შესულიყო რუსეთის სამხედრო სამსახურში.

დაიწყო სიხარულს და ნუგეშს მოკლებული წლები. მიუხედავად ამისა, დავით გურამიშვილის პოეტური ნიჭი მაინც იწრთობოდა და ღრმავდებოდა. მაგრამ თვით ვიონის თუ სერგანტესის ტანჯული ცხოვრებაც კი არ იყო ისეთი უნუგეშო და უიმედო, როგორსაც შესანიშნავი ქართველი პოეტის ცხოვრება წარმოადგენდა. საგმირო საქმეები ბრძოლის ველზე, ტრაგიკული შემთხვევები და უბედურებებში ერთმანეთს სცვლიდნენ. შორს სამშობლოდან გურამიშვილი იბრძოდა როგორც დაქირავებული მეომარი, იბრძოდა სხვისი ინტერესებისთვის, იბრძოდა სხვის მიწაზე. აი რას სწერს იგი, როცა თანამემამულეთა ცხოვრებას გვიხატავს:

ჩვენი ვითხრა სამსახური,  
სხვა რა გვექნა ამის მეტი:  
ათას შვიდას ოც-და-ცხრამეტს  
ხოთინის კარს ვთხლიშეთ კეტი,  
ორმოც-და-ორს ფინდრიღავანს.  
ცეცხლით გამოვბუგეთ შვეტი.  
და ორმოც-ჩვიდმეტს ბრუსის კოროლს  
შეურყივეთ ტახტის სვეტი.  
ორმოც-თერამეტს ბრუსმან დაგვეკრა,  
თავსა დაგვახვივა რეტი,  
მე ჩემს ძმებსა დამაშორა,  
ლუწისაგან დავრჩი კენტი.

მალდებურხის ციხეშიგან  
დამსვა კარებ დანაკლეთი,  
და მუნით ვიხსენ, შინ წამოველ,  
ქერი ვხან და ყანა, ფეტვი.  
ფეტვი ბევრი მოვიყვანე,  
მაგრამ ვერა ვშჰამე მქადი,  
მე მომიტხრეს: მანდელამე  
ახლა ადექ, სხვაგან წადი.  
ძალ-უნებრივ წამიყვანეს,  
სადაც არა ვიყავ მწადი,  
და ვამე ტკბილო სიცოცხლეო,  
რომ შენ ასე გამიმწარდი!

პრუსიის ტყვეობიდან დაბრუნებულ პოეტს,—დაბრუნებულს არა  
სამშობლოში, არამედ უკრაინაში, სადაც მას კარ-მიდამო ჰქონდა მი-  
ცემული, — სახლი მთლად გადამწვარი დახვდა. ხელახლა მოუხდა  
ჭაპანწყვეტა მოტიტვლებულ მიწაზე.

დიდის მხნეობით და ცხოვრების უზომო ძალით უნდა ყოფილი-  
ყო აღჭურვილი ადამიანი, რომ ყოველივე ეს აეტანა. უბედურება  
და მარცხი საფლავამდე სდევნიდნენ გურამიშვილს. იგი ტრაგიკულ  
მარტოობას განიცდიდა. სწერდა ძლიერ ლექსებს, შინაარსით ღრმა  
და ფორმით საუცხოვო ლექსებს, მაგრამ თითქმის არა ჰყავდა მკით-  
ხველი ამ ლექსებს. იგი გატაცებული იყო რუსთაველის პატრიო-  
ტიზმის და მისი გმირული სულის აღდგენით, სურდა პოეტური სიტ-  
ყვის დაახლოვება ხალხურ მეტყველებასთან, მისი გადაქცევა რეა-  
ლისტურ სიმართლედ, მაგრამ ქართველმა ხალხმა მაშინ არც კი  
უწყოდა პოეტის არსებობა. სამშობლოს ტრაგიკული ბედი, საკუ-  
თარ ცხოვრებაში დაგროვილი მთელი ბოღმა-ვარამი, მთელი თა-  
ვისი მწუხარე სიბრძნე საუცხოოდ გამოხატა გურამიშვილმა თავის  
მკაცრ, მაგრამ სიმამაცით აღსავსე ლექსებში.

ქართველმა ხალხმა არ დაივიწყა დავით გურამიშვილი. მისი  
შესანიშნავი ლექსები შორი გზით დაუბრუნდნენ სამშობლოს, შე-  
ვიდნენ ხალხის სულიერ საგანძურში, მისაწვდომი გახდნენ ყველას-  
თვის, — ყველასთვის, ვისაც კი ქართული კულტურა უყვარს. ჩვენ,  
მრავალმილიონიანი სტალინური სამშობლოს მოქალაქენი, აღტაცე-  
ბით ვეგებებით დიდი ქართველი პოეტის შემოქმედებას. ხოლო  
აყვავებულ სოციალისტურ უკრაინაში, სადაც მარტოობაში და-  
ლია თავის გასაოცარი დღენი დავით გურამიშვილმა, მის სასახე-  
ლოდ ძეგლი იქნება აღმართული.

# ბიბლიოგრაფია

## 3. მუშა

### გრიგოლ აბაშიძე: „შავი ქალაქის გაზაფხული“

ახალგაზრდა პოეტი გრიგოლ აბაშიძე პირველად გამოდბს ასეთი დიდი აქტუალური თემითა და ფართო ტილოთი. სადებიუტო ნაბიჯი პოეტის თვალსაჩინო ზრდის მაჩვენებელია.

სარეცენზიო ნაწარმოები დაწერილია მკვირცხლი და მსუბუქი ენით, ბელადისადმი უსაზღვრო სიყვარულითა და აღფრთოვანებით. პოემა წარმოადგენს დიდი ბელადის სახის მხატვრულად გადმოქანდაკების გაბედულ და ნაწილობრივად გამართლებულ ცდას.

პოემის თემად აღებულია ბელადის წარსული რევოლუციური ცხოვრების ერთერთი მომენტი: ესაა მისი იატაკქვეშ მუშაობა და მენშევიკებთან ბრძოლა კიათურაში. ნაწარმოებს საფუძვლად უდევს მკვეთრად განსაზღვრული იდეა: გვიჩვენოს ბელადის სახე ჩვენი ქვეყნის ერთ კუთხეში ბრძოლისა და მოღვაწეობის ფრონტზე.

ნაწარმოების უქველ ღირსებას წარმოადგენს მაღალი მხატვრული დონე, იგი დინჯი ეპიური თხრობით მდიდარი მხატვრული სახეებითა და ეპიტეტებით ხასიათდება. სისადავე და უბრალოება თითქმის ხალხური შემოქმედების წიშსუბუქმდეა დაყვანილი და ეს ამ ნაწარმოებს კიდევ უფრო უხდება, რითმები ყველგან ბუნებრივი და ძალდაუტანებელია, სურათები ნათლად, მტკიცედ და სრულად დახატული, მუსიკალური ბგერაინობა, მსუბუქი და ნაირნაირი ნაწარმოები დიდი ხალისით და გაძლიერებული ინტერესით იკითხება. კითხვის ასეთ ხალისსა და ინტერესს თემასთან ერთად იწვევს მისი მოხდენილი მხატვრულობა.

ფაქტებს და მოვლენებს, პეიზაჟებს და პერსონაჟებს პოეტი მშვენიერ და მომხიბვლელ სურათებში იძლევა, მკითხველი ისე გადაიკითხავს მთელ ნაწარმოებს, რომ არსად არ იგრძნობს პოეტის ლალი აღმაფრენის შენელებას და პრაქტური ლიცენციის გამოყენების ცდას, რაც ნაწარმოების დიდი და უდავო ღირსებაა. აქ თემაც თამაშობს დიდ როლს. ის ავსებს პოეტს სიხარულით, აღფრთოვანებით და აძლევს მას დიდ აღმაფრენას.

ნაწარმოები იხსნება კიათურის ლამაზად დახატული პეიზაჟით.

მოქმედება სწარმოებს გაზაფხულზე, სადაც ტყემალი და ატამი ყვავის და პროდესაც „ყაყაჩო ბალახებთან ჯდება, როგორც ხატ-პეპელა“. კიათურის სპეციფიურობაში მოქცეული ბუნების მოვლენები თავისებურად ვითარდებიან



და ყვაილებიც კი „ფერს შეირჩენს შუადღემდი, შუადღიდან გარუბდება“. ეს ტყემლის ყვაილზეა ნათქვამი. ატმის ყვაილსაც ასეთივე ბედი აქვს. მისი „ცისკრის ფერი, საღამომდე მწუხრის ფერად შეიცვლება“. მოხდენილი მხატვრული სახეა ტყემლის თეთრი ყვაილის ფერისცვალებაზე:

„ტყემალი ყვაილის ფერს  
მთებზე თოვლის ნარჩენს პარავს“.

ან კიდევ:

„ატმის ტოტი გაშლის ყვაილს  
გახურებულ თორნის ფერად“.

უკეთესი ფერებით და უფრო მეტად მკვეთრი მაღალპოეტური აღნაგობითაა აღწერილი მდინარე ყვირილა. რამდენიმე სტრიქონში მოცემულია ამ მდინარის სრული და ნათელი სურათი. მოხდენილად და დაკავშირებული და ახსნილი მდინარის სახელწოდება მის ხმაურობასთან.

„არ იყვიროს, აბა რა ქნას  
გზა კედლებით გარავცია“.

მაგრამ ბუნდოვანი და მკითხველისთვის არც მთლად იოლი წარმოსადგენი სახეა: „ზოგან ფსკერის მოსჩანს ჭიქა“. განსაკუთრებით აღსანიშნავია მდინარე ყვირილა ჭიათურამდე, თვით ჭიათურაში და ქვემოდ:

„როგორ ჰქონდა თეთრად კალთა,  
რა სუფთა და რა კამკამა.  
ამ ქალაქის შესავალთან  
რა ეშმაკმა ჩაალაშა“.

პეიზაჟის ფერი ოსტატურადაა შეხამებული პერსონაჟების ფერებთან. შავი ფერით დადალულია მალაროს მუშების ღუბჭირი და აუტანელი ცხოვრების ეკონომიკური პირობები. სამუშაო დროის გივიას ვარსკვლავივით განსაზღვრა მოხდენილია და ნაწარმოების კომპოზიციურ აღნაგობას აძლიერებს. გივიას ვარსკვლავი ნიშნავს გათენებამდე ადრე მუშაობის დაწყებას და გვიან ღამემდის მუშაობას. რას წარმოადგენს თვით მალარო? სიბნელე, მუხლებამდე წყალი, დაბალი ქერი, წელში მოკაკავით მუშაობა, უბინობა, თავისი ბედისა და გაჩენის წყველა. ყრუ უკმაყოფილებისა და პროტესტის ხმები. ამ დროს ჭიათურას ეწვევა ბელადი. ფურცლების გამოშვება, მუშათა წრეების დაარსება, მუშათა კრებების მოწვევა, დისკუსიების გამართვა, მენშევიკებთან ბრძოლა და დატაკება, ბელადის გამოსვლა. მენშევიკების დამარცხება.

მშენებელთა ბელადის გამოსვლაში ერთი მომენტი: დევისა და ლედაბრის არაკი.

მენშევიკების როლი მუშათა მოძრაობაში საუცხოოდაა შედარებული ლედაბერთან. ნაწარმოების ეს დამხმარე ეპიზოდი ძლიერ უხდება პოემის სუბეტურ მშენებლობას.

ნაწარმოებში მრავლადაა კარგი შედარებები. მოხდენილი ეპიტეტები და მეტაფორები, მაგალითად: „ბროწეულის ყვაილივით ყალიონი მიანათა“, „გაშალა ხელი, როგორც არწივი ფრთას გაშლის ხოლმე დაშვებულნი“, „ულვაშებზე მარგალიტი წვეთი ჯდება ვარდისფერი“ (წითელი ღვინის სმით).

„თეთრი ყურისბალი შივით წინ დაგიდგეს ჭყლინტი ყველი“, „ღვინო თუ არა მოიტანე, ფერად როგორც განთიადი“ და სხვა მრავალი.

განსაკუთრებით მალალი პათოსითაა მოცემული, დღევანდელი ჭიათურა ეპილოგის სახით, მკითხველის წინაშე იშლება დიამეტრალურად წინააღმდეგი სურათი. ბუნება და ხალხი, პეიზაჟი და პერსონაჟი, ყველაფერი შეცვლილია, ახლა ერთიც და მეორეც იცინის, ლაღობს, ზეიმობს. ბედნიერ და საამურო ცხოვრების ფერხულში ჩაბმული.

პოემას ახასიათებს ზოგიერთი ნაკლი და სუსტი მხარეები. ნაწარმოები, მიუხედავად მრავალი ღირსებისა, ნაწილობრივად ემპირიულია. საგნებისა და მოვლენების სიღრმეში ჩაუხედველობით პოეტი ზედაპირს უფრო გვიჩვენებს, ვიდრე იმ დიდ კლასობრივ ბრძოლებს, რომელიც მაშინ ჭიათურაში ხდებოდა და რომელსაც ხელმძღვანელობდა დიდი ბელადი. პოემაში ეს დიდი ამბები საკმაო სიღრმით ვერაა დაწურული. ავტორს მაშინდელი ბრძოლები უფრო მძაფრ სურათებში უნდა მოეცა და ბელადის სახეც შეემოსა მუშაობისა და ბრძოლის პროცესში უფრო მეტი შარავანდდით, და არა სტაბილური სახით ჩამოეჭანდაკებია იგი.

სარეცენზიო წიგნი, მიუხედავად ზოგიერთი სუსტი მხარისა და ნაკლისა, თვალსაჩინო შემატებაა ქართულ ლიტერატურისთვის და იგი პოეტის შემოქმედებითი ზრდის მაჩვენებელია.

---

გადაეცა წარმოებას 1/VIII-38 წ. ხელმოწერილია დასაბეჭდად 11/IX-38 წ. 4 ფორმა. ანაწყობი ზომა 6 X 10. ქალ. ზომა 62 X 94. მთავლიტის რწმუნებულის № 3744 შეკვეთა № 1572 ტირაჟი 6000

---

სახელგამის პოლიგრაფკომბინატი, უორესის ქ. № 5

**1938 წ. იანვრიდან „ჩვენი თაობა“ გაგონის  
შოკველთვიუხად.**

**ხელის მოწერის პირობები:**

წლიურად . . . . . 18 მან.  
ნახევარი წლით . . . . . 9 „  
ცალკე ნომერი . . . . . 1 მ. 50 კ.

ხელის მოწერა მიიღება სახელგამის ყველა მაღაზიაში, სოიუზპეჩატის რაიბიუროებში და სახელგამის პერიოდ-სექტორში.

**რედაქციის მისამართი:**

თბილისი, მაჩაბლის ქ. № 13, მწერალთა კავშირი.

8560 18.50 d.

h 553  
1938

ქართული საბჭოთავო კავშირის  
საგარეო ურთიერთობების  
მინისტრის ბიუროს



Ежемесячный журнал  
**„ЧВЕНИ ТАОБА“**  
Сахелгами 1938 г. Тбилиси